

瀋

陽

縣

志

潘陽縣志卷之十五

藝文

碑記

言不朽載道之興經緯史冊垂於世遠雖經劫燬而不可磨滅實新舊代有存者

奏疏

附呈

疏於今為烈其或著述茲請名山不為其報好身以傳述藝文

序文

詩歌

明倫堂賦碑記約

朝廷立學校選取生員免其丁徭厚以廩餼設學院學道學官以教之各衙門官以禮聘
得金銀器貨才以供朝廷之用生員皆當上報國恩下立人品所有致書則列於後
一生員受命父母養者子當受教父母恩者或有非為者子既受書明禮當再三懇告其
父母不隨於死也

雜

文

表

卷五

雜

文

卷五

瀋陽縣志卷之十五

藝文

立言不朽載道之輿經經緯史庶幾魁儒懿鑠清都渾噩鴻雅擬實銜華代有作者
文采風流於今爲烈其或著述藏諸名山不爲甄輯將曷以傳述藝文

碑記

御製明倫堂臥碑條約

朝廷建立學校選取生員免其丁糧厚以廩膳設學院學道學官以教之各衙門官以禮相待全要養成賢才以供朝廷之用諸生皆當上報國恩下立人品所有教條開列於後

一生員立家父母賢智者子當受教父母愚魯或有非爲者子既讀書明理當再三懇告使
父母不陷於危亡

一生員立志當學爲忠臣清官書史所載忠清事蹟務須互相講究凡利國愛民之事更宜
留心

一生員居心忠厚正直讀書方有實用出仕必作良吏若心術邪刻讀書必無成就爲官必
取禍患行害人之事者往往自殺其身常宜思省

一生員不可干求官長交結勢要希圖進身若果心善德全上天之知必加以福

一生員當愛身忍性凡有司官衙門不可輕入卽有切已之事止許家人代告不許干預他
人詞訟他人亦不許牽連生員作証

一爲學當尊敬先生若講說皆須誠心聽受如有未明從容再問勿妄行辨難爲師者亦當
盡心教訓勿致怠惰

一軍民一切利病不許生員上書陳言如有一言建白以違制論黜革治罪

一生員不許糾黨多人立盟結社把持官府武斷鄉曲所行文字不許妄行刊刻違者聽提
調官治罪

大清乾隆三年歲次戊午夏四月上浣穀旦

御製渾河神廟碑文

渾河神廟者乾隆四十三年勅有司之所崇建也英峨北繞納魯西流縈廻千里之遙演迤
二陵之側長源作帶梁河異派以同瀾靈脈扶輿潦澤匯趨而赴壑抱龍興之初地衆水雲
從翊鳳舞之陪都恬波鏡淨溯昔造邦撻伐瀕河則諸部先除洎夫作邑經營乘溜則羣材
勝用入夜而聯魚陳爰申巴勒達之誅征明而渡龍驤遂奏瀋陽城之捷朕展巡邠七敬謁
橋山緬詒燕於宗功默欽有相飭升馨于蹕路乃詔司空鳩工象闕之東翬翥鵬霄之上百
泉媿美胥原之流澤孔長兩載落成卜澗之垂床有裕鑄之翠琰煥以丹綸由地中行益羣

諸萬萬禩如川方至用弼我不不基

御賜禮部尙書晉贈太子太保謚勤直昇寅碑文

朕惟宵雅賦皇華之什勞獎駉征曲臺詳公館之文愴深驛使靖共載眷軫卹彌殷式勒貞珉用光吉壤爾晉贈太子太保銜任禮部尙書昇寅青衿績學白璧束躬初登拔萃之科職分儀部繼與賢能之選記列名經俄轉級於錦帷旋升華於鐵柱盼花磚而入直禁漏趨先擬珠樹而多輝宮端擢貳措遷左御猶稽列舍之生徒憲副南司遂掌陪京之禮樂總干城於威遠邊月秋高籌磐石於移居天潢族聚早荷先朝之寵稔知令望之孚八旗之統制疊司一代之秘文總校連開虎帳載駛蜿旌晉司憲而著風裁命考工而權水正華翎賚錫光耀朱纓沃轡廻翔恩承紫禁筵趨講幄聆義蘊於詩書簡授征輅較戎行於堯豫時以儀嫻掌故俾領容臺事切諏諮更馳遠檄曾封章之入告遘疾陳情已休沐之俯俞還朝有日何

乃淪徂忽報倚注空勞夙傳清介之聲竟失老成之望輜車安護靈銜命以來歸儲帛優頒
典飾終而備荷宜宮銜之晉錫并例議之全銷旌厥賢能諡爲勤直於戲萬里之輶軒不返
虎節含悽九霄之雨露頻加螭文賁寵永垂豐竭勿替後昆

道光十六年三月二十七日建

御賜大學士晉贈太傅諡文忠文祥碑文

朕惟亮工熙績謨明資弼直之材論道經邦密勿重樞機之任念成勞於元老鼎彝攸司緬
碩德於阿衡典型忽謝蓋相業永孚乎一德斯恩榮遠照乎千秋允勒貞珉用光偉烈爾原
任大學士贈太傅文祥忠勤秉性蹇諤匪躬始簪郎署之毫旋歷臺垣之職正鈞衡於六屬
宏建嘉謨綜樞要於一心洞嫻方略昔者瀋陽不靖虜騎潛窺命總師于欽本廟算奮擊則
狼烽迅掃窮搜而馬迹全空畿輔因之乂安耕市於焉不變克敵致果紆尤皇宵旰之心說

禮敦詩飭儒將雍容之度時諸羌欵服互市駢闐勤襄柔遠之謨密畫綏邊之策胸羅武庫
西夏聞而膽寒手草尺書贊普爲之氣鬱約劑特重於九鼎蕃情遠帖乎重洋驚李晟爲天
人憚王商爲漢相凡此艱難之宏濟悉由篤棐之蓋臣至若宿衛典軍經帷傑直旣歷持乎
文柄亦淹貫乎史裁掌制鸞坡屢頒堂饌乘輿鼇禁獨冠班聯接恩禮於三朝瞻懷舊德任
總師於百揆旁作迂衡逮藐躬繼序之年正老成顧問之日書思溫室鑒三十載之勤勞絕
席綸扉作百僚之師長賚予良弼祝爾遐齡方期賜杖於朝端詎意撤琴於私第追維成績
克副易名蘇軾爲奎宿後身經猷丕煥歐陽是洛中耆舊德望同尊謚曰文忠奚慙曩詰於
戲小心翼翼爾惟日贊乎萬幾黃髮皤皤天不憇遺乎一老爰宣綸綍式表堂防昭示來茲
敬承勿替

前提學使張公紀念碑文

孟錫珏 玉雙

維光緒三十有四年秋九月奉天提學使張公以疾卒於位奉之人士悲傷切怛若失所依
哭弔者接踵比喪車南返不期而會送者充塞達衢既復設位遙祭致敬致哀省垣紳衿學
子數千人咸蒞焉嗚呼公官吾奉僅二稔奉之人士非有私於公迺其既歿而繫人慕思固
結深摯至於斯極母亦公於吾奉實有使人不能忘者在耶今距公卒已數月而追念遺澤
慕思益永且兢兢焉咸以前媿失墜是懼然則紀述事實以誌不忘固吾人之同情而事之
不容緩者匪特稱述功德仰止景行已也公諱鶴齡字筱圃江蘇陽湖人光緒壬辰以進士
用庶常散館改農曹京師設大學公主教務經師學子咸所宗仰嗣改道員官湖南聲譽益
翔起當道賢者皆引以爲重今川督趙公督奉時特疏調焉朝廷方以陪都重要外逼兩強
捍患將來作人爲急光緒三十二年秋遂由湘臬簡授公奉天提學使當是時奉省甫離戰
禍外軍驕處四民蕩析流離生聚未遑奚言教育矧風尙朴樸鄉曲迂淺之士見有創設更

張動生扞格又復物力彫殘食貨踊貴官府編戶皆無餘力以資取求且學校肇興教材極
鈔延攬良師既不數覲從事儲養尙需歲時益以所有措施悉屬草創困阻紛乘尤非可以
更僕數公下車聿始持節財紓困漸進務實之旨權度緩急剴晰利弊既詳既審矢以必行
兩年以來首挈全省教育綱領立教育總會於省垣設勸學所於各屬公舉正紳分派學董
肇人民自治之權輿增士紳任事之能力其有才品邁衆者必破格優遇假以事權俾輔官
力所不逮振拔士氣提倡學風得力寔始於此籌辦各項學堂自中等以上以速蒙養女子
師範保姆傳習兼及方言憲政教育練習莫不完備而尤注重於小學小學者國民之基礎
教育之本圖也吾奉村屯寥落偏僻之區往往官紳併力籌備不能成一校迺頒籌辦鄉學
及學董辦事簡章設各路模範小學改良私塾嚴甄教師而各屬小學校遂有日增月盛之
勢學欸爲學務所憑藉多一虛糜卽少一寔用公爲之整頓釐別定庶務會計及領欸銷欸

章程析至絲毫必嚴必謹因鄉學歟由畝捐散漫難稽擬用聯票之法嚴核出納又嘗持警學合辦之議以免各用士紳糜款廢事所籌雖未寔施而綜核之精卒無以易其儲備師範也初設各屬傳習所以應急需嗣以時促詣淺甚或自爲風氣迺擬統一之策俾全省教育同出一軌而事艱費鉅議而未行特擴充兩級師範加額增課用廣師資兼備高等教材之選復慮各校教科疎陋規則凌亂乃爲之核定課本預立表式增授經學國文功課並定各校管理章程勸諭員司學生共守秩序誦誦訓誨感人至深更立小學總查所派各屬視學員考查各校衡其功過明示勸懲以杜辦學欺飾之弊用是士鈔囂凌學風整飭人知自奮罔敢怠荒至若設圖書館廣摺篇籍餉道多士莘莘學子藉獲探討今昔免於猥淺鄙陋之譏斯尤空前之盛舉而吾奉學者之至幸也公性沈毅與人謙退相見以誠而督責職事弗少寬假綜理庶事至勤至敏從容淡定若任自然手定章程規則煩瑣精嚴務當事理至其

嘉言懿行可爲典則者益不可殫述自公蒞茲任艱苦經營弗厭弗倦而吾奉學務遂視兩年前判若霄壤學校增數千學子增數萬其所興舉或且先於內省談教育者莫不驚吾奉迭經兵燹糜爛之地進步竟若是之速豈知皆公之精神心力所貫注而良法美意尙有未盡推行者耶嗚呼吾奉今日需治至急措理至艱凡百設施胥賴賢者以爲締造以公抱負宏偉於政治理財交涉諸大端悉得體要敷歷京外十餘年所至有建樹使獲大用出其學問經濟以施於一切政治則功烈所垂必更有大者遠者而吾奉受賜將不止學務之一端是吾人所拳拳服膺以爲不可及者尙不足以概公之本末雖然教育者立國之基而吾人職事之所屬也吾奉非公無以有今日吾人舍學務亦無以知公公旣以振興學校大有造於吾奉舉凡已成之績與未竟之志皆有必不可沒而當引爲己責者且吾人皆奉人也用奉人辦奉學又公所主持提倡不遺餘力者也公逝矣吾人方哀感慕思之不置然能如公

之孜孜懇懇殫誠竭智謀公益而忘其私者有幾人耶夫不朽之業無待表章贊頌之文奚裨後世今日者當念前賢創造之艱知來日負荷之重懸之心目是法是師俾公兩載留遺永勿失墜且有以繼續而光大之並使後之人觀感而興起焉斯公在天之靈所欣慰抑亦吾人紀述事寔之志也

宣統元年 月 日奉天教育會敬立

文溯閣記

清高宗純廟

輯四庫之書分四處以庋之方以類聚數以偶成文淵文源文津三閣之記早成則此文溯閣之記亦不可再緩因爲之辭曰權輿二典之贊堯舜也一則曰文思一則曰文明蓋思乃蘊於中明乃發於外而胥藉文以顯文者理也文之所在天理存焉文不在斯乎孔子所以繼堯舜之心傳也世無文天理泯而不成其爲世夫豈鉛槧簡編云乎哉然固不離乎鉛槧

簡編以化世此四庫之輯所由亟亟也茲則首部告成綱紀已定與之暇以究其核督之勤以防其忽乙夜幾暇亦疊披覽怪僻側艷滌濯剗礮犁然理明裒然文顯所餘三部唯鈔胥之事然而豕亥陶陰猶不可不讐校也四閣之名皆冠以文而若淵若源若津若溯皆從水以立義者蓋取范氏天一閣之爲亦既見於前記矣若夫海淵也衆水各有源而同歸於海似海爲其尾而非源不知尾閭何洩則仍運而爲源原始反終大易所以示其端也津則窮源之徑而溯之是則溯也津也實亦迨源之淵也水之體川如是文之體用顧獨不如是乎恰於盛京而名此名更有合周詩所謂溯澗求本之義而予不忘

祖宗創業之艱示子孫守文之模意在斯乎意在斯乎

重修奉天府學宮記

康熙己丑

廖騰燿

王化非聖道不行聖道非王化不久王化洽則孔子之道益尊聖道尊則王者之化大啟故

建學明倫所以崇道統正人心而廣治化於無窮者也粵稽奉天自太祖高皇帝神武建基
太宗文皇帝式廓隆業創興學校世祖章皇帝統一區夏文命誕敷今皇上天縱聖神德威
勦洽無遠弗屆仁義漸摩無思不服編戶之子釋耒橫經羽林之士投戈講藝詩書禮樂之
盛四方郡國皆然矧奉天爲發祥首善之地設學以來雖規制漸增而二十餘年未遑修葺
其何以仰副我皇上崇文重道之至意願念遼左沃野千里生聚日滋騰燿以謏劣材承乏
京兆亦惟是勞來拊循之不暇其又何忍以茲役重煩我父老子弟爲爰捐俸入不足謀之
同事諸鉅公不足謀之諸長吏謀之諸紳士僉樂相予志遂鳩工庀材自聖殿而啟聖祠而
兩廡而廟門而明倫堂胥巍然煥然此皆昔圯而今修者也殿以外繚垣奕奕廟以前戟門
峨峨又皆昔無而今有者也經始於康熙四十八年七月十三日落成於康熙四十九年閏
七月初十日計工五千三百有奇計費一千一百二十兩有奇役成而遊聖人之門者共知

道之大將伯之助其可泯歟夫明政刑正風俗者天子之化也謹庠序飭倫紀者孔子之教也今學校之振興若此滿漢士子服習其中優游德教人文蔚起不將與鎬京鐘鼓並美千古而不朽哉謹彙襄事諸賢鐫之於石碑後有可攷因并記之以詔學者

奉天府學兩廡記

康熙壬戌

高爾位

國家以人才爲本而人才以教化爲先自古培植人才靡不以學校爲亟亟况龍興發祥之地將相名臣先後蔚起則宮牆俎豆之規有司又安敢不加之意哉位自順治丁亥叨列仕籍歷躋京尹膺豐沛之重任思廣植戶口以培元氣凡無藝之征侵漁之弊以次釐剔夙夜兢兢與諸僚屬飲冰茹蘗庶幾杜苞苴而絕耗羨仰報皇上加惠元元至意恭惟我太祖高皇帝以武功肇基遼左逮太宗文皇帝繼承鴻業建修文廟世祖章皇帝撫御區夏以瀋陽爲盛京設京兆立州縣置師儒於時從龍碩彥彬彬濟濟我皇上臨雍講學尊禮先師可稱

盛矣惟是奉天文廟肇創之初大殿雖已告成而兩廡尙未營構夫崇祀先哲所以式後進也恢宏廡廟所以肅瞻觀也邇者皇威赫濯千羽兩階聲教四訖行見比戶絃歌盛於曩時式廓前規尤在今日顧念長吏俸入僅足養廉文武青衿率多貧士又難以營度之功重煩我父老子弟於是獨捐薄俸飭材庀工補建兩廡各三楹列諸賢之主而祭器亦具焉多士瞻仰之餘庶其景行往哲濯磨砥礪以襄聖天子昇平之治乎是役也肇於壬戌七月至九月告竣謹勒諸貞石用垂不朽

奉天府文廟記

康熙乙未

梁拱振

嘗讀班史有曰文德者帝皇之利器武功其輔也余則以爲武功者帝皇之利器所以開治者也文德所以保治者也武功之所定者遠文德之化者深漢唐以來莫不皆然我太祖高皇帝之起東陲也始以武功定全遼於學校未遑也太宗文皇帝修建廟學而文教聿興世

廟章皇平定方夏首崇文治改衛爲盛京設立師儒以訓子弟今皇帝卽位多士克生先後繼美文明之化日隆而文廟漸圯前後京兆以請時兵餉方殷增華有待猶眷眷不忘特諭守臣設法修建至康熙十八年秋拱辰再奉命尹茲土乃奉行前旨率二府二州七縣之官儒紳士捐俸出財修治之於是聖殿櫺星門暨四周垣墻皆鼎新焉師儒得以瞻仰人士得以矜式豈非武功定而文德興乎然予觀詩人所言景員之祥發於殷土生民之慶本於姜嫄則本朝之肇基必有出於武功之先者也今也武功已定文教復興人才於是輩出治化於是修隆矣然予願司教者之求其實也夫詩書禮樂非徒以飭容觀琴瑟笙簧非徒以美聲律要以調習其性情消釋其鄙戾使之居家處鄉則有孝恭禮遜之行服官蒞政則有公忠廉仁之節斯學校爲育才之區人士有治平之任不然雖實枚其磨礪闕溫其宮宇亦何益乎若溺於文辭習於佻達此又人才風俗所由敗壞者不可不豫爲防也

奉天試院記 雍正癸丑

呂耀曾

拔士之必有試院非僅以壯觀瞻崇體統也蓋欲覘其學者必令有以盡其長而欲盡其長者必先有以安其所奉天爲國家發祥之地體重留都故與直隸共省而不與他府埒歲科兩試學政之事亦屬府丞示有別也第哀集生徒每考與試不過數百人又不若直省之衆多是以昔之日未建試院皆臨期架木設棚遇風雨則不免淋衣污卷多致草率成篇或有未盡其長之慨焉今天子御極之十有一年予以特簡來尹茲土而同榜族兄果初先生先予來視學建院之議已有成規卽丞署之東偏崇舊基而廣之堂分前後塲列東西門楹井竈吏舍鼓亭三閱月而告竣蓋已煥然而可觀矣約其費八百餘金果初首先捐俸各屬官紳及生童慕義者均有助而治中王柱國承德令蔡書升則力贊而捐助爲多錦府一屬亦聞風興起同時建一試院云憶壬辰歲予世父司農坦菴公視學於此樂育人才刊有文萃

一編一時紙貴猶未獲創興斯舉今果初毅然而成之夫豈非不朽之業歟予新承恩命以左副都仍管尹事吏治民生尙需整頓仕而未優遑敢言學而不虞不文以爲之記者以果初之創是學也蓋欲多士之安其所而盡其長非僅以壯觀瞻崇體統已也果初行將內調甘棠之愛固能信其不朽且樂多士之相礪於有成也而予也更將竟果初之志置學田以給供膳矣

勅建護國寺塔記

崇德庚辰

剛林

夫幽谷無私有至斯響洪鐘虛受無叩不鳴而況於法身圓對規短冥立一音稱物宮商潛運故如來利見迦維託生王室憑五行之帙拯溺游川開八正之門大庇交喪法力維持乎八極慈威鎮攝乎羣魔大智靜涵靈源普挹聖主道濟蒼生化隆無外念茲功德允台瞻依特勅工部遴委喇嘛錫伯扎綽爾吉弼勒圖朗蘇相爲度鳩工盛京四面各建莊嚴寶寺每

寺中大佛一尊左右佛二尊菩薩八尊天王四位浮屠一座東爲慧燈朗照名曰永光寺南爲普安衆庶名曰廣慈寺西爲虔祝聖壽名曰延壽寺北爲流通正法名曰法輪寺各立穹碑永垂來禪銘曰皇圖肇啟寶域宏開仰茲佛日躋於春臺雨暘時叙國無禔災三途靡忒五福斯來

奏疏 附呈

請罷接濟防軍疏

尙賢 雅真

奏爲言臣計利擾民脞削根本重地敬陳實在情形請旨罷議事竊維奉省自添官籌餉以來鹽厘木稅以及山貨雜稅凡關津市鎮無不設權以徵以致物價騰貴民生日蹙現在急宜休養以培元氣而議者又欲抽煤米之車增烟麻之稅陸路添卡水路加徵敲骨吸髓無所不至此不過計利之徒藉謀中飽朝廷之所得無幾民間之滋擾良多御史葉蔭昉奏奉

省防濟其言不爲無因但未知各省情形不同奉天地方寒苦家鮮蓋藏民情素稱浮動伏莽至今未淨一遇荒年其患可翹足而待卽以豐收而論斗米不過百餘錢農民售米二石易布一疋隆冬不能盡人著綿窮巷謀生祇以煤米價廉耳若陡然昂貴貧民必立見凍餒奸民或藉勢騷動是急於養兵者恐速於增兵也各直省肅清之後釐稅各卡迭次奉旨裁撤仰見聖懷矜育黎元之至意豈盛京根本重地而任意賒削乎且奉省之餉向來不足養本省之兵實限於物力之豐嗇而未能強爲之也臣確有見聞不敢苟安緘默應請飭下戶部將該御史所奏各條卽行罷議以固根本而安閭閻臣爲消患未萌起見是否有當伏祈聖鑒謹奏

推廣輪用正途疏

奏爲盛京五部筆帖式擬請推廣新章擢用正途以資治理仰祈聖鑒事竊臣伏讀三月二

十四日上諭光祿寺少卿延茂奏八旗舉人請准以六部筆帖式用並由舉人分部之筆帖式仍挑各摺片着吏部議奏欽此欽遵在案仰見朝廷培植人材無微不錄之至意臣愚以爲乏材之患不獨京師六部爲然而盛京五部爲尤甚推原其故筆政人員儘有考捐兩班尙無廢生一途其由於考試者率皆有名無實多屬槍代臣上年瀝陳弊端久邀聖明洞鑒上屆兵部考試漢軍筆帖式稍加整頓而入場者八十餘名曳白者竟至五十餘名之多此以知前考試者不足恃也至於捐納之員濫竽充數誠如該少卿所慮問以公事而不知授以律例而不識且今日之筆政卽他日之郎官貽誤將來實非淺鮮然班次祇有此數與其相沿流弊何若因時變通查滿洲筆政六十餘名蒙古筆政三名漢軍筆帖式二十四名向無正途人員現在盛京駐防滿蒙舉人不下數百其中不乏可造之材卽請與考捐兩班輪用與原班旣無窒礙於正途卽見疏通可否仰懇天恩飭下該部援案辦理實於部務人材

均有裨益臣愚昧之見是否有當伏乞聖鑒謹奏

再八旗都統衙門送考中書助教學正學錄筆帖式辦理未能畫一亟宜申明章程以免阻抑事臣伏見庚辰科會試後適值漢軍考試中書維時正白旗漢軍舉人裕綬以會試留京卽赴旗呈請圖片以憑投卷入場該叅佐等官以係盛京駐防擅以不應考試斥駁不意今科漢軍中書場廣東駐防舉人正白旗馮文星鑲白旗謝蘭馨均經中式細詢情由係由各該旗取具圖片送考伏思朝廷取士本以示天下之至公豈容任情顛倒乃正白旗漢軍都統衙門辦理送考前後兩歧殊不足以昭平允相應請旨飭下各該旗遵照此次送考章程辦理如各駐防旗人鄉會試後留京者遇有中書助教學正學錄筆帖式等場一體送考不准任意斥駁儻叅佐領催藉端需索一經告發卽查取職名從嚴叅懲庶免抑勒而昭畫一臣爲鼓勵人材起見謹附片上陳伏乞聖鑒謹奏

公舉紳耆呈

尚賢

爲敬舉紳耆事實擬請援案代陳分別核獎以彰聖化而表儒修事竊維先器識而後文藝朝廷所以勵人材崇道德而獎單寒庠序所以端士習從來潛德幽光半多沈晦良以寒素微科不同名宦自非表揚其實類皆湮沒不彰紳等恭讀光緒七年七月初四日上諭張樹聲裕寬奏敬舉篤行紳士請予褒異等語據稱廣東在籍紳士前署山西襄陵縣知縣朱次琦講明正學身體力行比閭族黨薰德善良國子監學錄銜舉人陳澧持躬嚴謹通經學道士人出其門者成就最衆各情該員等學行純篤足以矜式士民洵屬可嘉朱次琦陳澧均着加恩賞給五品卿銜以爲績學敦品者勸該部知道欽此欽遵在案仰見朝廷昌明正學凡經入陳無不立沛恩施嘉惠士林至優極渥紳等伏查已故正藍旗包衣滿洲文學人恒啓敦品積學至行足多跡其家廷豫順人無閒言其父先故事母以孝聞族里貧乏悉力拯

濟凡涉爭端得該舉人一言無不力解與弟析爨甘以薄田教讀奉母兩弟率多違行卒能感格不至爲非及相繼亡後所有分產蕩然無存該舉人撫孤恤寡以身獨任其至性孝友鄉老談其行詣罔弗嘖嘖稱歎越入泮十有六年以及門勸始應丁卯科鄉試由歲貢生中式是科舉人歷經戊辰辛未科會試薦卷以額滿見遣後遂無意仕進專以講學爲業從遊者多所成就春秋科第相繼於門時論韙之尤足重者屢跡公門一介不苟砥礪後學以身率人其清修碩德實爲士心所翕服現雖物故輿論追思又查有遼陽廂黃旗滿洲甲子科文學人治安淡泊自甘聞望夙著年近六十操行不衰幼孤事親盡養子職無虧其母壽至八旬獨依膝下猶如孺子弟兄五人析產甘以薄田自給與物無競族黨胥化母沒哀痛盡禮人服其孝由是無意仕進現隱居於該城東之沙坨子著書樂道足不入城市二十餘年善氣薰陶所居浸成風俗其清操至詣推重一時伏念該舉人等咸敦孝友無忝科名讀書

勸品允推士類完人講學明倫堪作儒林楷式凡此懿行之昭著悉由聖澤之涵濡考其平生學行純摯似與朱次琦陳澧相苻均足以倡儒風而維世教紳等確有見聞不忍沒其實除恒啓一名業已身故應請採入志乘以資觀感外其治安一名可否一併援案代陳籲懇恩施以勵儒修而激士習之處伏候憲裁紳等謹合詞上呈

條陳奉天利弊書

稟爲察吏安民興利除弊敬陳管見事竊奉省爲發祥重地民俗素稱質樸近因承平日久吏治廢弛文官不以民情爲重武官不以武備爲先若不變通章程設法整頓恐官民相仇害有不可思議者炳文草茅下士素乏才猷豈敢妄談致干重咎惟念忝列士林義難緘默僅獻俚言上塵清聽明知輕塵墜露無裨高深尙冀宥其愚狂賜以觀覽焉謹將奉省利弊諸大端條陳一二以備採擇一吏治之廢弛宜急爲整頓也竊思安民必先察吏吏治之不

修兵禍所由起也奉省民俗素稱忠厚至今日而強者思逞弱者積怨豈民之好亂哉旗民地方官疾視其民任意魚肉日甚一日直使民有不可終日之勢民之不靖各州縣之罪也試先卽尺俗之積弊言之夫州縣殃民之事甚多而切膚之災莫甚於訟一人被案破產亡家一字牽連經年累月官府徒知中飽直欲敲骨吸髓吏胥橫要發財不管傷天害理而且蠹役詐贓斃命本官之袒護偏多家丁舞弊殃民上憲之察提虛設卽或具呈上控而府幕爲伊坐省收呈不爲批回亦有京控鳴冤而大吏爲若徇情發審仍然不問以紳士爲仇讐以鄉民爲魚肉以門丁爲心腹以胥役爲爪牙以陵辱鄉紳羅織平民爲強幹以奔走上司夤緣權要爲精明上下相蒙聯成一片紳民雖冤惟有呼天而訴已耳夫生人具有天良士宦豈無天理乃甫登仕版便可殃民豈習俗之移人哉竊以爲小臣之橫暴實由大吏之貪汚大吏而受二節兩壽則難望州縣之清廉大吏而知論價委缺則難禁屬員之貪鄙故但

將上憲酬應則誤國賊民俱爲不犯法矣再與幕府勾通則人命盜案俱著無庸議矣近來奉省之壞人皆謂壞於馬賊而不知皆壞於府幕之一人該幕盤踞府署歷十餘年奉天府府尹之大權一人獨攬十四州縣之升調一手通融處刑席者爭拜門牆謀美缺者求爲姻婭十餘年來奉省之官吏貪污而無忌愚民之冤抑而莫伸者皆府幕一人階之厲也今則大患已除各府州縣可以潔已奉公矣然民生之凋敝已深非有賢良有司加意撫循則張虛聲而實恩莫被吏治之疲玩已久非有嚴明大吏極力振作則過幾日而故智復萌可否仿照內省章程奏添督撫藩臬大員裁汰陋規剔厘積弊破除情面互相稽察則形端者表正源清者流潔而又奏請簡發科甲出身明於吏治人員數十員俾虛心求治實心愛民則一縣得斯人而一縣安一府得斯人而一府治豈非得一賢大吏勝於十萬雄師得一好守令省卻數萬帑餉哉如是則吏治日隆民生得所矣夫非常之事常人所驚必衆謗羣議之

弗搖而後偉業奇功乃有濟惟斷乃成是猶今日之急務焉一府縣綠營宜變通添設也查奉省馬賊之多固由州縣之廢弛而漫不經心亦由地面之遼闊而鞭長莫及奉天州縣所轄有管至二三百里外者此間距城窻遠鄉屯無論被搶之家不敢報官報官之後不肯嚴緝卽報官矣緝捕矣乃兵至而賊已遠颺兵回而賊又復返甚至經旬累月盤踞不移逐戶挨門搜搶不已此固窻遠鄉屯勢所必至而非盡州縣之過也然此猶賊之小焉者金廠銅溝嘯聚亡命動至數萬恃其險阻抗拒官兵實奉省心腹之患奉省爲根本重地豈容此輩鴟張鼠竊鼯睡於臥榻之旁然前此官兵勦賊僅以迫出東邊便敷衍了事從未有運龍豹之韜掃狐兔之穴奮我撻發殲厥渠魁以爲長治久安之計者夫養癰於肘腋伏禍於邊陲謀貴萬全不宜出此今蒙欽差大人來奉神機獨斷勝算獨操謂不暫費者不久安不一勞者不永逸於是大兵雲集衆士雷奔如洪爐之燎毛如泰山之壓卵萑苻立剪榛莽不生此

則河湟惟唐休罷能知而安西非郭代公不可者矣然

炳文

草茅下士不識忌諱竊謂目前

勦撫之道誅首惡散脅從跳梁革面成效固有可期而異日安集之方撫流亡消反側邊鄙
傾心善後尤宜預計現今東邊一帶地方田盡熟荒人多土著可否酌量地勢添州縣以資
治理添營兵以資彈壓則百姓得遂有生之樂而兇匪不生走險之謀長爲治世編氓永作
邊陲保障此邊外地方之宜添設州縣者也至於邊裏一帶地方八家子等處盜賊出入之
門戶也城廠等處盜賊窩頓之淵藪也大孤山三道溝有木牌私稅皮島爲商賈輻輳之區
盜賊必爭之險要也可否於大孤山皮島等處奏添道府一員副參幾員兵士幾百外可以
控制東邊內可以鎮撫南海其八家子城廠本溪湖等處亦爲酌設州縣衙所消奸宄於無
形奠磐石而永固視客兵之輪班防守似爲事半功倍此邊裏地方之宜添設州縣者也若
夫瀋城東之馬金丹葦子峪等處瀋城北蒲河懿路以及開元東山鐵嶺河西等處瀋城西

之老邊房身西佛牛彖黑山等處瀋城南之鳳集堡茨榆坨騰鰲堡等處均宜添設官弁者也至於昌圖一廳可否改爲府治錦府四城可否添設縣治金復五城添府添縣此又宜通盤核計務期經久無弊者也然而治法賴有治人苟不得其人則添一員卽添一弊未免從事紛更益增騷擾是又必應奏請科甲出身明于吏治人員庶法以人行而善後事宜可收實效至於添設綠營尤爲奉省安危所係若僅把總外委直同兒戲徒耗帑餉毫無用處可否仿照內省奏設提督一員駐紮省城統轄綠營軍務以專責成而副參游都以資臂助外而總兵參將下至千把外委均酌請添設則大小相資旗民協助稽查必易擒獲非難奸宄不生而地方永無盜賊之患矣一員弁疲玩宜變通振作也查奉省內外各城防守專恃額設旗兵民之安危視兵之強弱兵之所係重矣從前奉省兵爲常勝兵所向無敵近因承平日久武備廢弛其職官習爲驕惰旣無禦侮之才其士卒狃於苟安不識衝鋒之術經先前

任都將軍極力振作加意撫循幾於共苦同甘問疾恤患乃優其保舉而人不知感厚其領給而人不知奮上下相蒙牢不可破卒至大功未竟抱恨以終豈有他故哉有重賞以懸於前無嚴刑以迫於後天下惟威之以法者法行而後知恩限之以爵者爵加而後知榮若徒撫之以恩寵之以位則有恩竭則慢位極則賤已耳安望其士卒用命也哉夫狎則生玩懦則易犯刑亂俗者宜重典馭驕兵者無成功歷觀古之名將或涕泣而殺將帥或立表而斬幸臣或不以一物而宥同鄉或不以微故而赦後至豈好苛哉蓋誠知威克厥愛允濟愛克厥威允罔功也近來各帶隊職官習爲苟且了事平時不講才能臨時漫無節制其出城例緝如河上之逍遙其遇仗卽逃如灞上之兒戲其回城消差均謂爲賊匪遠颺其在鄉里訛詐或甚於賊徒騷擾甚至與賊買鉛送藥被人拿獲矣而聚衆閔堂大吏莫得辦其罪亦有與賊通信過錢甘爲賊黨矣而彌縫掩蓋官府無從發其奸遇敵怯遇民橫遇事諉遇功爭

種種弊端難更僕數夫國家養兵期於有用若如此之將不知兵兵不拿賊又何必以百萬有用之餉養此數千無用之人哉查內城額設兵丁五千有餘外而差站需人內而辦公需人其奸巧者又營謀各司行走以避苦差而得實惠於是行伍差使視爲畏途緝捕人員幾同俗物至於鎗炮刀弓俱束之高閣矣苟或鞭撻革責則嘖有煩言矣夫文治武功宜求實效文武備難得全才該員弁旣備干城之選宜思訓練之方倘備位疆場復勞形案牘是兩歧也必兩誤矣况兵數無多更有不敷調遣之慮乎可否變通章程奏請旗民科甲出身郎中員外郎主事各數員分掌各司印鑰分理各司事務各司辦公之人另行招募旗民生監掌其稿案如內城供事之類招募旗民讀書之人辦公寫字如各部帖書之類如此則公事不致有誤其協領佐領等官專令講求武畧其領催兵丁等人肅令操演技能如是則各有專司職官可精於兵事庶備異時將帥之才士卒可勤於武功不負此日爪牙之任又何

武備之不修也哉一旗屬八界之苛派宜急爲革除也查奉省內城所屬旗地共七萬八千二百四十餘日每六畝爲一日每一日爲一繩而亦有一日兩繩者是謂雙繩弓向例徵草一束每二三十斤不等其實收之草每年不過五六萬卽封倉門此五六萬草次年改捆卽足三十餘萬額徵之數其餘卽改折徵每繩要七八百文不等共每繩要草豆錢一千六七百文不等除實在草豆價外每繩浮收錢一千有零共八界浮收錢要得三十餘萬千此地畝浮收之弊也然此猶有正欸在其中也若地畝之外又有官錢則直名不正而言不順矣從前作俑之始每繩只要錢二三成以爲該官兵等茶酒之資近則每繩俱要錢三四百文不等其有不出者則倉押鎖打勒追此項該鄉保不出官錢原爲省錢及被該界倉禁不但受罪更加多費倉規且必將官錢全數交足然後釋放鄉保負屈於是呈之上官而官吏相蒙仍復箇界於是該鄉保又得倉禁又得花費倉規並須有不敢再告甘結始得釋放此各

鄉屯無敢不出此錢者而官錢遂爲定例矣至於兵車一項尤不可解奉省自同治五年十二月二十六日奉准部文兵車作正開消不准藉資民力而各界五年冬間應按繩苛派兵車每繩要錢一千二三百文不等其時有在將軍轅前呈請者蒙都將軍扎界查覆該界並不查覆僅以他辭搪塞都將軍被大衆蒙蔽始終未能查明至同治六年四月間各界已將兵車錢到手始將不准藉資民力告示貼出而已無及矣尤可惡者六年夏間奉諭禁止苛派兵車六年冬間仍是苛派兵車每繩要錢四五百文不等其時又有呈於都將軍者又蒙劄界查覆將軍只管示禁八界只管苛派似乎並行不悖者從此兵車遂爲定例永遠不爲裁去矣夫旗民地方備辦公車向來旗一民二承德縣辦二十輛八界只辦十輛以八界分劈一界只辦一輛有奇民署從五年以後從未派要兵車而八界自五年至今無一年不苛派兵車統計八界每年兵車錢可得十餘萬千而國家分文未得竭萬姓之脂膏飽官吏之

懲壑蠹國害民莫此爲甚昔胡文忠公因湖北漕務積弊已久奏請革除冗費減定漕章取中飽之資以分益乎上下爲民間省去錢一百餘萬串爲國帑實得銀四十餘萬兩民力藉以稍紓國帑得歸實用湖北之民至今頌之現今奉省兵燹之餘民力竭蹶可否嚴立限制明定章程其地畝應徵草豆每繩一束草酌定斤數或折徵酌定價值每繩一升七合七勺酌定折徵價值以示限制永遠不准隨年增減其官錢兵車等錢一概裁除永遠禁止或將此項還之於民作爲團練保甲之費又必大張榜示使窮鄉僻壤人人曉知貪吏猾胥無從欺隱其有仍前勒索苛派者准赴轅上控立爲准理不復筭界查覆則數十年積弊革除淨盡實於國計民生大有裨益矣一捐款宜核實也奉省自軍興以來添設各項捐局近因客兵各處防守又奏請撥餉餉項支絀實屬萬難夫與其仰鄰省之撥餉不若核本省之捐項夫奉省之捐不爲不多而國家不得捐輸之實用者皆官吏中飽爲之害也查奉省各項捐

款如本外城之日厘捐各河口之糧貨稅俱是商人經手半爲設法偷漏當其抽厘之始預先摺寫幾本私帳即是有人告發委員查驗定將摺寫私帳獻出任憑委員如數提帳查訊決不能將各舖戶確實底帳查清此奸商偷漏之弊也年終報部旗民地方官會報又復任意侵吞以多報少有捐至十萬而不能報五萬者而法庫門之車捐各海口之鹽捐視此爲尤甚此官吏侵蝕之弊也夫戡亂必在任賢理財必先政事孟子謂無政事則財用不足劉晏謂理財用必需用士人胡文忠公謂用士人理財得理財之要道然則理財而需恃胥吏無當也夫欲足財用先嚴漏卮不杜其弊而徒開其源終無益也可否擇老成紳士或公正委員嚴密稽查其有以多報少情弊盡法重懲庶官吏知所畏懼無從欺隱取中飽之資以上益乎國帑民不加賦國可足用似覺仰給鄰省之撥餉爲尤便矣一求才宜廣也聞之千金之裘非一狐之腋大廈之材非一林之木太平之功非一人之略故余玠知重慶館設招

賢唐彬刺雍州禮羅處士以及趙方之用士豪宇文泰之用捷足莫不以延攬英雄搜羅奇傑爲先務焉然不獨古之名將爲然也近年內省各軍務省分凡捐輸團練保甲營務各事莫不有本地鄉紳協同辦理其文案糧台軍火器械等物莫不有各省報効人員參雜錄用若官相之用人不遺寒賤賂撫之求賢推心置腹胡文忠公之用士設儲才館昭昭在人耳目者也夫天地生才原無今古國家取士不限雲泥况奉省爲發祥重地豈無奇才異能湮沒而不彰者乎從前都將軍經略奉省軍務凡文案糧台捐輸營務各事俱令將軍衙門各員經理其紳士有遞呈報効者不斥爲狂即笑爲迂夫草澤亦有英奇山林不乏隱逸而有志報効卽欲爲國盡忠之人大之可備心腹之選小之可爲耳目之司因才器使天下所以無棄才而乃擯而斥之士奚由進夫兼聽生明偏聽生闇從前都將軍公忠體國其忠節足以格天地而質鬼神而小醜未殄大功未竟則以用人之途太隘而用言之計太偏也夫舜

察邇言禹拜昌言豈慕虛聲漫無實用若以通省大事僅給耳目於左右之人所見不過幾人所知不過幾事賊之多少不知其詳兵之勝負不知其確人之賢姦不知其實民之治亂不知其真雖有經天緯地之才亦莫由展布矣現今大兵雲集文有龍豹之略武有貔貅之勇謀臣如雨戰士如雲何需招募致誚濫竽然求才不厭其廣用人不求其備燕昭市骨良馬自來越王式蛙士氣百倍九九小數也見用於齊桓馳繩末技也見知於齊國惟用瑜而棄瑕或拔十而得五耳夫女恥自媒士羞自薦苟未有招募之文焉敢爲冒昧之舉可否破格施恩准令各地方紳士平民獻策報効其有可取者量爲錄用其宜棄者不加罪責則言路可開人才畢集矣昔江塔羅李以諸生而練兵練餉爲湖南開風氣爲國家破巨敵後來名將多出其門一時賢士皆膺其選功載旗常名垂鐘鼎皆蔚成一代偉人然非胡文忠公禮賢下士又烏能得此奇才也哉現今奉天軍務孔殷誠能開誠布公招徠士類則內外紳

士或亦有爲奉天開風氣者乎如是何賊之難平而民之難安也哉職草茅下士不諳公事
謹效杜牧罪言聊備芻蕘之獻是否有當伏候鴻裁統希慈鑒

書上崇文勤制軍多所採納後竟未得大用時論惜之

序文

畫壁自序

范承謨 現公

承謨蓬頭垢面繫頸攀手逢萬壽聖節者三丙辰三月十八日肅誠向闕拜舞深愧忝生聖
世不克振拔淪爲誤國庸臣辱親敗子乘未灰餘燼志梗概於壁俾後之見者知余不肖不
才所遭不幸也迺余生而庸弱先太傅督訓嚴切冀有成立辛卯春世祖章皇帝以元勳子
選充侍衛復以年方幼稚免入直扈從令在家讀書大慶賀入班行禮是年詔八旗滿漢子
弟有文學者與漢人一體鄉會試余得登賢書明年壬辰成進士選庶吉士甲午解館授侍

讀學士余病懶性成常經月不至翰館而陞轉之階反越常次嗚呼先皇帝之恩何以報稱耶迨先帝龍馭上賓余浮沉班末年餘循資陞學士時伯兄充浙東援勦總兵官先太傅左右侍養無人余復以多病恐曠廢職業力求解任辭至再始得請歷三載廷議撤援勦諸路兵馬伯兄歸京師丙午孟秋望日闔族集東臯習射飲酒諸幼年子弟輩賦詩屬對是日先太傅顧而樂之因謂余兄弟曰吾家世受國恩爾等乘年富力强宜速補官爲國家効力中外勿以余老爲念申諭再三不意余兄弟罪孽深重先太傅於是年八月初二日棄不肖輩長逝服闋補秘書院學士先是先太傅在日皇帝尙冲齡一日余與同官進內請寶上詢曰爾誰氏子爾父何官今在否年幾何余悉具先太傅始末以對上喜曰爾若子耶如此者數回後值朝賀期先太傅入賀上指問左右而不名但曰此非某官乎且稱說祖宗朝往事甚詳左右皆驚爲異數余解任後代余者同衆入內上問曰此爲誰范承謨何久不見閣臣曰

承謨病解任矣此其代者上曰果病耶劇耶病愈尙起用卽對曰病須調理一痊卽補上頷之者再先太傅聞宸注如此感激益深因追憶昔年太宗世祖舊恩輒向北流涕不止故亟圖報稱之語時加訓督次年上親御萬幾余與同輩日侍左右至冬巡撫浙江缺人廷推及余上色喜諭曰浙江東南要地國計民生悉委爾矣可善爲之余受命惶悚自顧駑鈍膺茲繁要晝夜拮据寢食不遑而德薄才微政多闕誤以致上干天和旱潦頻仍蟲疫疊降二三年間僕僕山陬水滢勘荒拯災請蠲請賑改斤兌徵心勞形憊幸聖天子愛民如保赤凡爲民請命之疏雖部議格不行上必駁令再議或徑批如所請行嗚呼不才如謨何幸有此遭遇也久之事益繁食日減舊疴新疾交攻屏體不得已以病告上憫念微勞准馳驛回京調理維時內而科道外而將軍總督提鎮巡鹽御史及兵民商賈具疏叩闈挽留者日相繼始猶軫恤病臣未卽報允後乃允提臣請復留浙年餘余力疾視事不敢稍懈會閩督需人時

余以他過鐫級例不准列上特簡往任壬子十二月二十五日接邸報是日忽感氣逆之症
攻衝五內猝病陡險雖極力調治時減時發遂力辭新命承蒙俞允因請陛見欲面陳病狀
上允之入都時卽賜召對首詢江浙民生疾苦暨經由諸處光景余悉條奏無隱次卽俯問
病勢何似獎勞備至親遣御醫就舍診視賜秘府之方頒上方之藥洵無虛日未幾以薦舉
人才一案致註吏議具疏認罪靜聽處分兼值舉行察典內外官三品以上例令自陳余因
又以病告期得罷免藏拙邱園及命下仍令速赴新任御醫回奏又云療疾稍痊可以理事
余咸激主知不加斥遂任用彌篤尙安敢辭海疆之險偷衽席之安也陛辭日上曰閩海氛
未靖地方困苦已極爲天下第一煩劇要地卿廉能素著亦爲天下最故特倚任仍賜御衣
帽上廐良馬鞍轡迥異常數復命近侍就廷前宣諭曰此朕時刻所御之服解以衣爾如見
朕也次日入謝賜宴畢而辭就道間關萬里堂上牽衣許國以身不遑將母而戀戀君親之

心從此與道路俱長矣行至山東界宿羊留店爲折臂三公故里其夜賜驥忽殂余嘆息良久知馳驅天末終無功也及踰浙抵仙霞關一望層巒疊嶽瘴霧迷漫險灘怪石奔流急湍中藏猛虎毒蛇磨牙礪爪擇人而噬以故村落荒涼城郭破碎崎嶇甚於蜀道變幻疑於鬼窟履任後諏訪情勢檢閱籍冊不覺失聲大呼曰閩疆之敗壞一至此耶大計軍政所以勸懲文武此省豈無廉能循吏知勇于城而使之淪落一官淹蹇萬狀廉吏勇將之心不堪問矣黜幽糾慝么麼充數而貪酷悍婪日惟苞苴是營安享富貴是執柄者與敗檢者之心不堪問矣學校考取人才干請鬻賄而寒窻之彥百無一聞是奇才異能之心不堪問矣沿海苦兵火者二十餘年有司加耗重徵敲骨吸髓而蠲免之實惠不沾蠹役之魚肉彌甚是父老子弟之心不堪問矣兵卒荷戈守山戍海負嵎則有虎豹窺伺則有鯨鯢藉其死力以爭此土而糧餉欠至半年庫銀缺額百餘萬呼庚呼癸之兵心更不堪問矣嗚呼海天半壁危

如一綫雖智若良平勇如賁舍亦難展足措手而况蕭牆之禍已釀於撤藩哉癸丑冬部臣入境奉旨藩下左右兩鎮歸地方官轄余與撫臣劉秉政提臣王進功密議欲量撥一二營分防他處更勿迫其行庶不至人心驚惶進功始應之而中撓焉必圖盡遣以孤其勢余復密詔之曰此非孤其勢也適迫渙散之軍心驅之附彼也失計非小須稍緩二三月候浙江協餉至補給舊欠月餉再預發兩三月銀米安家然後令彼前往則途次庶無騷擾戍所庶無他虞急之恐倉卒生變進功雖意折仍私自調撥屢催赴戍及擇期報明發餉起伍無何果人心洶洶矣俄而瀆逆蠢動風聞煽惑訛言沸興及停止遷移之差員喪命星至命精忠復縮兵符因得借口操練兵馬整頓器械從前防撥之形迹催行之舉動豈不徒滋疑貳乎身爲邊疆大帥久歷戍行而不察時勢不揆人心事未至則剛悻偏執事一至卽倉皇失度亦可哀也已至撫軍爲全省大吏責任非輕會議之時畧無可否竟如置身局外者不更可

嗤耶余不幸不得同心協力公忠爲國之寮案而罹於禍宜也然余亦不因時艱勢蹙輒敢廢弛政事而不急急收拾人心以爲補苴計也故自蒞任來條奏諸疏請速展界者安民也請撥現在協餉者安兵也請將綠旗官兵裁去原額補足者實營伍也請免緝投誠逃弁許投到宥罪安插本處者清山陬海噬也題補城守副將沿海勞弁者叙功苦而邀不次令之感激報効也報巡歷邊海一帶形勢啟行日期者爲欲置身外郡以備調禦防範也再如頒刊示而准採捕者活溝瘠也就彌盜而聯保甲者儲鄉勇也寬林簡修而招無成者一安投誠一散鳥衆也延林燧董生等因時相機者撫海逆也天或假以時日獲奉俞旨諸事就緒滇鋒一挫閩勢自孤而逆謀自戢天乎天乎何竟使余爲誤國庸臣辱親敗子乎當逆居喪臥病時余每親至弔慰乘間輒諷諭以大義冀感動其心余客稽子留山竊慮之常相告曰昔魏文貞有言曰竊爲良臣毋爲忠臣又語云神龍見首不見尾公其慎之舊弁王天祐等

亦跪進曰連日之會輕蹈不測左右多戒心公獨談笑自若竊窺撫提二公中懷叵測不可與語余俱應曰誠然余非昧於此也然以孤危之身處艱難之際當疑忌之秋唯示之以誠使小人無能乘其隙稍以緩彼之謀圖濟我事至於死生禍福誠不暇計既委身事主父母之身卽君之身而云君憂臣辱君辱臣死且余非不知徒死無益但時事如此百無一備同城共處舉動牽制上下左右皆彼腹心雖日日閉門築壘其能免耶皆歎息而退督標兵馬向稱精銳聞自李公去世漸次頹靡及余來點閱狼狽不堪名其實亡閩安鎮爲閩省門戶履任三月餘未遑巡視後見羣情稍安欲量帶數十名兵弁往視形勢而該營將佐方以帳房什物弓箭器械朽壞未整爲辭逆卽隨遣官來言曰邇日民心稍安訛言稍息恐公遠出又復搖動少頃撫軍亦來力阻且爲相約曰某在此久頗能得彼秘密有所聞卽來告共圖報効朝廷斷不能誤乃公事余曰閩安之行不過一視海口非久期長往旣諸公止余不行

亦可靖藩祖孫父子叔姪兄弟世受天家非常寵遇量無他志若公忠孝自矢肯以朝廷之心爲心社稷蒼生之福也語竟心輒鬱鬱退而不能釋復一客進曰公旣不得看海何不因滇寇震楚以設備鄰封爲辭潛出省令扼據上流亦一策也予曰計過矣楚於閩相去遼闊間隔西江風馬牛不相及毋論輕舉貽笑且啓釁端禍不可解不見閩安未果之行乎所携兵弁爲數有限尙以諸件未備爲辭今往據上流誰與爲徒錢糧軍伍城池人心一無可恃今卽不量多寡率爾前往或據延平或據建寧誓死以圖一濟但彼逆念雖久逆形未著倘或疑我據地欲陰謀之激變軍心訛傳京師風聞者糾彈於前按罪者苛繩於後旣冒輕出失守之名兼招激變殞滅之禍身名俱喪恥莫甚焉余不爲也三月十五日甲寅天初明逆遣員詣署跪請曰王守制數月未親軍務今海艘遊蕩乘滇南多故萌窺伺心訛言愈興衆情愈惑今新奉固守地方勅命不敢以私心廢公事願與諸公會商爲護內防外之策因喪

服未釋不便就教敬遣下員促駕未幾撫軍來約同往詢以所商何事近有何消息但支節他語雖心竊疑之乃故坦然共轡以示無懼是日愁雲漫漫冷霧漠漠太陽淡慘無光色入逆邸中覺廊廡殺氣不可以目予知既陷虎口勢無退理挺身而前仰天大罵賊衆兵刃環臨重加束縛時一二狼卒有誤持劉臂者逆黨馬九至急叱曰不干巡撫事秉政但俛首無言兩頰微紅而已逡巡間卽揮之去伊惶恐斜趨而出嗚呼痛哉君親倫理滅絕盡已余噴血切齒醜言痛詆欲激怒以速吾死庶幾上酬主德下報親恩乃大罵一日夜求死不得又欲不食死逆羅列飲食予斥揮之舌敝唇裂齧肉俱腐罵至第八日氣雖漸微聲雖漸細聞者猶狼藉塞耳瞋目怒視又恐余自死環守不懈余身層層縲紲肢體拘繫不能動作惟一息尙存罵聲不已不意延至第九日十日而精神頓復氣之微者漸壯聲之細者漸宏側耳其旁者不以爲恨而反以爲奇嗚呼痛哉豈余當死於刀鋸鼎鑊而不當死於饑餓哉豈余

罪深孽重不能爲朝廷守疆土以致震驚堂陛毒禍生靈當死於國法哉當此之時神魂恍惚常見先皇帝儼然臨於其上先太傅儼然臨於其旁卽遠而太宗皇帝先高祖大司馬余幼所未經身事者亦親承音容笑貌於夢寐之間慈誨殷勤嘉言慰諭豈余思念所聚結而爲形哉天錫神聖默恤余之堅貞憔悴哉約計七百餘日之中著舊日衣帽時歷寒暑從未更換蟣蝨蚊蠅恣其攢噬蓬垢疾病任其纏綿粥食半盃便可終日逆雖時遣問訊而惡語更加後亦不敢屢至防守者見余刻刻覓死百折不回感動於中多方慰解且爲余言從前罹難時署中賓客親友及家人輩俱一一被執凌逼勘訊桎梏窘辱難艱慘切之狀幸皆忠義自勵視死如歸不爲稍挫而二三婦女婢僕之類又能從容盡義夫婦女子相繼投繯嗚呼痛哉閩之文武大僚平日建高牙擁大纛亦云極一時之赫奕矣而望塵稽顙蒙面圖官保妻子而活軀命者如雲屯霧匝獨余賓客戚友身未邀一命之榮口未占升斗之祿感余

區區之意尙能念君父重名節以身殉孤臣卽健兒奔走之徒巾幗臧獲之細皆知寸心不
二臨難不移聞者得無稍愧乎余以識閭計疏波累貽禍萬死其何恤焉余居重垣廻壁中
罵未已繼之以詩文左右不敢具筆硯乃燒桴存煤畫字牆上其譏刺太毒者左右旋即塗
去前後僅存若干篇并爲文以序大略俾見者知不肖不才所遭不幸得死不易云螺山髡
翁炭筆識壁

留都文萃序

康熙壬辰

呂履恆

留都文萃者予爲奉天丞試士之作也歲辛卯予自西臺蒙聖恩擢任此職例兼學政甫下
車觀風得文若干首嗣是季有考月有課越明年壬辰春歲試兩郡彙而集之名爲文萃謂
人文之所聚也天地翕而萬物生上下交而治道成學行合而文教興是故觀其所聚而見
人文之大全也我皇上堯仁舜智稽古右文光華復旦之治堯隆唐虞而聖學日新無時不

以教養爲務惟茲留都乃國家發祥之地風雨會和之區其土博厚其俗敦龐其民質直故其爲文也清而能淳秀而不佻加以官茲土者自尹若丞而下咸思仰承德意以收儒效漸摩日久蒸蒸日上變予不敏猥承諸君子後夙夜祇懼罔敢隕越是以從龍之裔人才輩出卽各學人士亦彬彬可觀竊思文教武功隨時異用皆帝王御世之權而移風易俗之大機也昔者周室盛時辟雍鐘鼓四方攸同因之重熙累洽遂卜年世之遠論者謂周治尙文較夏商爲明備不知周之先祖父公劉太王之世其尙忠質也久矣我國家受天景命列聖相傳肇基興京洪惟太祖高皇帝智勇天錫保世滋大規模宏遠太宗文皇帝創制顯庸光大前烈立學校行釋奠禮美哉始基何文治之隆也欽惟世祖章皇帝以聖神文武之資奄有九州定鼎燕京導民養士皆可爲萬世法程幽岐豐鎬之盛遠過姬周而太和之在宇宙咸萃於聖主之勳華矣夫源之遠者流必長根之茂者發必盛易曰觀乎人文以化成天下恒之

象曰聖人久於其道而天下化成十五國風以二南爲始基繇之九章推本受命之原而必以疏附後先爲蹶生之助然則制義之文其卽古者言揚之典而學校之臣所由以人事君者乎且言者心之聲文者行之素也士有才能而不遇有司之過也時方郅隆而學不布聞亦士之恥也用是拔其尤者授之剗剗俾海內人民知聖天子之欽明文思化成有本而陪京之風會三韓之才數所以鍾聚於東北而發揚於天下者其來有自蓋乾高坤厚之氣生長乎震然後巽齊於東南而萬物兌悅焉則國家萬年之景運於是乎徵而世有知言者亦將於此覘多士之器識而決其所成就豈徒競勝藝林取悅當世云爾哉

說性

曾培祺

自儒家性善性惡之說興聚訟分爭莫衷一是有謂有善有惡者有謂無善無惡者若以有無二說較之則無者較長而究嫌着迹以予論之性者生之心也天命之謂性名之爲性而

已情由性生性體也情用也體具于內情發於外內則渾然不可知外則釐然其可見說到情再說善惡可也玩中庸喜怒哀二句未發爲中中有中立之義謂不偏不倚可左可右也又有在中之義謂隱而未見寂然不動也未發時靜也體也又曰人生而靜曰受中曰降中皆性也

衷卽中所以謂中譬若幽齋靜坐不動聲色自是本來面目無所謂喜怒哀樂一有所發便有所向有所向便不爲中矣所以未發爲中既發有過不及非中卽無過不及亦不得爲中而爲中中節卽中肯之意又如聲音有節飲食有節而宮商酸鹹自爾調和所以謂和然必皆中節而後和若有不節者則如五音五味有一不和卽不得謂之和矣

中節而和則善發不中節則不和則不善發

動也用也用卽情也情發於性說到情上方分善惡若只論性未發之中中否難揣不惟不

得說惡亦并不得說善如璞玉未剖之前瑕瑜不得而知且亦不必低昂其品質共渾之以無可名而已卽或以有無之說名之未發則可善可惡既發則有善有惡中節則有善無惡而此有善無惡四字獨不可先說善惡雖由性出性之用非性之體也體無能名曰體而已矣性而已矣中而已矣大本而已矣

未發之中體無不具喜怒哀樂皆根於此所以謂之大本既發之和和而有節有節則無不可行無有罣礙所以謂之達道呂新吾曰性一也五性者一性之子也才說五便不是性予謂性靜體也五性者性之動情也動根於靜卽根於性所以仍謂五性爲性然性才說五甫動之性雖名爲性便不是未動之性胡可以善惡二字先名性哉中卽中和卽庸庸用也中庸體用盡此二字中則寂而不動和則感而遂通

中體也體主靜靜卽是性中無可名性亦無可名如射然中道而立中也射而中善也射而

不中不善也然當中立之時引而未發能預料其中不中乎不過中立者不偏不倚中之分數較多耳未發之細味所論性中有無善惡諸大旨蓋以未發之時於性上不可著善惡之名其即虛明空洞無聲無臭之謂歟既發之後因其有中節不中節之異始有善惡之名其即吉凶悔吝生乎動之謂歟由是看來則善惡二字乃是定象以後批斷語耳是真不可粘煞性字上譬如穀種內蘊生機尙未發動豈可預論其苗之秀否實之善否耶性上不可著善惡字即此意歟

味五性皆動爲情之說可見許多善德惡德之名皆不過隨事地稱說出來令人好有個持尋處以爲修道之教耳所謂名之必可言也儒稱名教其因此歟既落形名便皆在用上論了故不謂性而謂德歟聖人垂教只以善德惡德之名爲學者之清戒於性體則罕言人但遵道而行之久便有不言之自得者亦猶畫家烘雲托月之妙歟想聖人之罕言性非獨以

其隱微之故母亦因性體性應作如是觀

大清門

清高宗

都藩宸謀定

天命十年三月太祖欲自東京遷都瀋陽諸貝勒大臣皆以東京甫建頻勞未便為對太祖諭以瀋陽西征明北征蒙古南征朝鮮均得形勝且擅山澤之利

由是定都盛京宮殿廟社規制畧備

立門號大清萬年開我祚五雉兆燕京

定鼎燕京城門號大清門為大清門

當時命名創制己協萬年丕基之兆益仰聖人有作必合天心也

屬國來胥宇

初葉赫貝勒揚吉弩識太祖為非常人當我

當率侍太祖聘焉是為孝慈高皇后誕生太宗文皇帝又甲寅年科爾沁貝勒奔古斯以女歸四貝勒是為孝端文皇后又天命十年科爾沁貝勒齊桑命子武克善以女歸四貝勒是

為孝莊文皇后 文王蹶厥生來孫緬祖德惕若慎持盈

大政殿六韻

一殿正中據十亭左右分

大政殿前建亭左右各五居首者為宗室王貝勒議政所其八則八旗大臣議政之處

同心籌上下合志立

功勳辛苦緬相共規模廻不羣世臣胥効蓋宗子更據勤

太祖太宗創業之始凡征勦皆命王貝勒統兵而行若親征則王貝

勒扈隨分領軍除宜力扞忠是以每用思前烈誰常繼舊聞推恩與旌雪容親王統衆入關掃蕩賊氛肅清京

邑尋分遣諸王追殲流寇撫定疆隅凡創規模皆所經畫即奉迎世祖車駕入都定鼎以立萬世不基厥功甚鉅惟攝政多年威福不無專擅為衆所畏忌於其薨後構誣傾陷因指

斂衣踰制坐以叛逆定罪除封其屬籍時世祖尚未親政故衆得違私修怨也予每恭閱實錄載太宗升遐時諸王推戴請王即尊位王誓死不從輔立世祖其後更以王貝勒等多

誚媚王而不知尊崇主上嚴詞訓飭最以盡忠而於同母兄英親王阿濟格之違法妄行責其非而降其爵王之蓋誠公正心跡炳然豈可令其抱不白之冤於地下特旨昭雪補入宗

支復實開國諸王戰功之冠乃因係睿親王同母弟誣獄株累降封郡王致令勳績湮沒未江雅實開國諸王戰功之冠乃因係睿親王同母弟誣獄株累降封郡王致令勳績湮沒未

免遺憾亦克昭復其親王世襲如故又禮親王以讓王而兼偉伐鄭親王肅親王克勒郡王皆茂著壯猷烈載在宗盟願其後之王號禮改為康豫改為信鄭改為簡肅改為顯克

勤改爲平其子孫所襲皆非其始封之字因命復稱原號俾其後裔承家襲慶追念祖功共知效注亦所以風示宗族也又以此六王配享太廟用昭展親酬庸之典其敬體我太祖太

宗締造之初心
推恩弗替云
奕世勳懃懃

恭謁福陵

清高宗

史宓實錄每欽觀草味鴻猷楮墨端適值明綱滋不振遂乘天佑取其殘四番陳奠思何限

九撥言歸淚暗彈逮茲四次恭謁盛京祖陵予亦七石矢躬親開創業藐予深懼守成難

恭謁昭陵

昭陵名偶同貞觀貞觀之道有讀平聲者佩文韻府兩收之然以繁繼創於湯光有乎我太宗

皇帝廟號及昭陵尊稱均與唐太宗同然唐太宗惟歷行陣不愧開創其他實多慙德豈如我太宗繼承而兼創業比於唐之文皇尤為休有烈光乎劫父叛君蹟早

異哉兄害弟事尤殊史稱唐高祖初留守太原領晉陽宮監而裴寂為副監太宗陰與寂謀

兵入元武門殺兄太子建成及弟齊王元吉高祖乃以為皇太子八月即皇帝位於東宮云

云是其君臣父子兄弟之間遺憾多矣我太宗受命之初禮親王以長讓德作議書遍示諸

貝勒大臣言紹承大統必得聖君始能戡亂致治以成一統自願德薄願共推戴四貝勒副

位太宗辭讓再三王意益懇切始從所請至今世襲親王恩施罔替戊戌會詩紀事云貝

勒讓帝如汝兵臨弗取仁猶著天聰三年我太宗親統大師伐明園困燕京諸貝勒大臣請陽蓋紀實也明政不綱流賊攻陷燕京吳三桂因請兵城亦不足喜遂止弗取如天之響復乃居義正符於我容親王統師掃殄寇氛為勝國復響仁惟懷永圖實與覆載同量矣乃恭迎世祖章皇帝入關定鼎取天下於明社已墟之後得統之正實前古所未有也五世元孫虔展拜恨惟未及効馳驅

實勝寺

清高宗

天聰建年後蒙古日覲來

科爾沁於太祖時久歸附太宗天聰元年秋蒙古敖漢部奈曼部來歸嗣是喀爾喀巴林喀喇沁扎嚕特土默特諸部相率朝貢

是皆奉佛者梵宇於是開神道而設教易語理最該聖人豈外茲所謀遠且恢

諸蒙古部落皆從奉佛教

崇德六年八月太宗以偏師破明總督洪承疇兵十三萬於松山杏山歸而建實勝寺於盛京以紀功績聖人神道設教亦所以順人情安國俗也是寺名實勝證明

得勝迴上下同努力成功資衆材因釋實之義萬理包以皆棄實務虛名所望難副懷崇實

尤在茲務名豈爲哉

長寧寺

清高宗

祖宗開創初天勇好以暇宮殿既經營寺廟亦構架爲示無不有殊非事祝借然而額長甯意豈在佛化士卒勝陣戰黎庶豐耕稼外闢內以安長甯撫中夏萬世基肇茲守成責敢卸

長寧寺恭瞻太宗所御冠服

盛京城外長寧寺一統志稱本御花園順治十三年改爲長寧寺

冠服依然貽高祖羹墻因得仰元孫上行下效開基業天聰六年太宗訓誨我國俗素敦淳樸近者奢靡借越不可不定為法制

自今議軍以上許服緞餘俱用布一緞之值可當十布與其一緞成一衣何如十布得十衣也又崇德元年諭崇尙節儉毋事華靡凡鞍轡等物不許以金為飾永行禁止是以軍民效

法崇尙儉樸煌煌聖訓所當萬年奉為法守也萬載千秋永保存七字敬廣豈徒爾昂哉奕葉此情敦

文廟

清高宗

道接百王後文崇一統前我太宗初創大業即勅建文廟於盛京行釋奠禮開創規模崇文重道已肇一統文明之盛也規模誠有異聲教

訖無邊志舊衣冠慎我太宗雖崇文教於崇德元年會諭諸王貝勒大臣曰昔金世宗奮圖法祖惟恐子孫效漢俗預為禁約以無忘祖宗為訓衣服語言悉遵舊

制時時練習騎射以備武功先時儒臣巴克什達海庫爾禪屢勸朕改滿洲衣冠效漢人服飾制度朕不從實為子孫萬世之計在朕身豈有變更之理恐日後子孫忘舊制廢騎射以

效漢俗故常切此慮耳爾等其謹識朕言乾隆十七年春恭讀實錄敬述此論鑄立碑於箭亭以示子孫臣庶遵聽毋忘為萬年法守云懷新禮樂宣辟雍創

國學合在治熙年今年仲春上下釋奠太學禮成因思古辟雍之制擁水周環命禮工二部大臣於彝倫堂前度地鳩工登池引水創立辟雍殿以昭絜洽重熙敬承

繼序之意

實勝寺

清高宗

天聰建年後蒙古日觀來

科爾沁於太祖時久歸附太宗天聰元年秋蒙古敖漢部奈曼部來歸嗣是喀爾喀巴林喀喇沁扎嚕特土默特諸部相率朝貢

是皆奉佛者梵宇於是開神道而設教易語理最該聖人豈外茲所謀遠且恢

諸蒙古部落皆從奉佛教

崇德六年八月太宗以偏師破明總督洪承疇兵十三萬於松山杏山歸而建實勝寺於盛京以紀功績聖人神道設教亦所以順人情安國俗也是寺名實勝證明

得勝廻上下同努力成功資衆材因繹實之義萬理包以皆棄實務虛名所望難副懷崇實尤在茲務名豈爲哉

長寧寺

清高宗

祖宗開創初天勇好以暇宮殿既經營寺廟亦構架爲示無不有殊非事祝借然而額長甯意豈在佛化士卒勝陣戰黎庶豐耕稼外闢內以安長甯撫中夏萬世基肇茲守成責敢卸

長寧寺恭瞻太宗所御冠服

盛京城外長寧寺一統志稱本御花園順治十三年改爲長寧寺

清陽縣志 卷十五 藝文

冠服依然貽高祖羹墻因得仰元孫上行下效開基業天聰六年太宗訓誨我國俗素敦淳樸近者奢靡僭越不可不定為法制

自今護軍以上許服緞餘俱用布一緞之值可當十布與其一緞成一衣何如十布得十衣也又崇德元年諭崇尙節儉毋事華靡凡鞍轡等物不許以金為飾永行禁止是以軍民效

法崇尙儉樸煌煌聖訓所當萬年奉為法守也萬載千秋永保存七字敬廣豈徒爾勗哉奕葉此情敦

文廟

清高宗

道接百王後文崇一統前我太宗初創大業即勅建文廟於盛京行釋奠禮開創規模崇文重道己肇一統文明之盛也規模誠有異聲教

訖無邊志舊衣冠慎我太宗雖恐子孫效漢俗頂為禁約以無忘祖宗為訓衣服語言悉遵舊法祖惟恐子孫效漢俗頂為禁約以無忘祖宗為訓衣服語言悉遵舊

制時時練習騎射以備武功先時儒臣巴克什達海庫爾禪屢勸朕改滿洲衣冠效漢人服飾制度朕不從實為子孫萬世之計在朕身豈有變更之理恐日後子孫忘舊制廢騎射以

效漢俗故常切此慮耳爾等其謹識朕言乾隆十七年春恭讀實錄敬述此諭鐫立臥碑於箭亭以示子孫臣庶遵聽毋忘為萬年法守云懷新禮樂宣辟雍創

國學合在治熙年今年仲春上丁釋奠太學禮成因思古辟雍之制擁水周環命禮工二部大臣於彝倫堂前度地鳩工甃池引水創立辟雍殿以昭累洽重熙敬承

繼序之意

題景佑宮

清高宗

本於崇政殿殿名左茲改建南城崇政殿左景佑宮前記有舉應數上聲典無他當正名景佑宮本太廟基宇

因飭度地城南別建觀宇以存舊制三官傳自古五福錫吾氓萬載陪京固瓣香申敬誠

堂子

清高宗

我祖實天人與天呼吸應其故亦非奇心惟仁與正勇亦由是超智亦由是勝國俗立堂子

拜天必以敬興師對勁敵先致誠秉命畧舉敗九部用詔後人聽葉赫一糾哈達二烏拉三

輝發四併科爾沁五錫伯六珠舍哩七訥殷八以及卦勒察九是為九部盛我祖聞兵來喜

而酣寢定癸巳秋九月葉赫哈達烏拉輝發科爾沁錫伯卦勒察珠舍哩訥殷九部合兵三路來侵偵實馳告太祖傳諭諸將旦日啟行遂就寢甚酣太妃富察氏以隨太祖

曰前聞葉赫兵三路來侵因無期時平明詣堂子虔祝祈天證太祖開偵之明日率諸貝勒大臣等詣堂子拜祝曰皇天

后土上下神祇某與葉赫本無釁端守境安居彼來果得邀天佑以少勝衆竟太祖駐軍札

瀋陽縣志 卷十五 藝文 三十一 奉天作新印刷局印

敵情即諭口故若還軍乘夜擊之否則且日接戰是夕葉赫營一人來降言九部合兵三萬我軍聞之色變太祖諭曰吾必不疲爾力俾爾苦戰惟壁於險陞誘敵迎擊否則四面列陣

徐進彼部長甚多兵皆烏勢將觀望其爭先者必其具勒我以逸待勞傷其貝勒一二八彼衆自潰我兵雖少可必勝耳次日太祖至古呼山據險結陣命顏亦都率百人挑戰斬九人

敵稍却葉赫貝勒布魯先乘突前馬蹄我兵武談趨前刺殺之敵兵遂亂哈達貝勒蒙格布祿輝發貝勒拜音達哩等並磨落潰奔科爾沁貝勒明安乘驕馬走太祖縱兵掩擊追奔至

哈達國柴河寨之南邀殺敵兵甚衆是役也節級自此軍威振遠邇懾服聖爰因垂家法百四千獲馬三千鎧胄千以少勝衆自此軍威大震

年遵守做元旦率王公拜迓初社慶國家典禮最重堂子祭天自世祖定鼎燕京於京師即建堂子每歲元旦率王公大臣先詣堂子行禮敬迓新

詔福社歷代爲例遵行前戊戌歲敬念陪都受釐祠宇飭工部侍郎德成會同盛京將軍等敬謹修葺以光前典茲撫受釐處緬祖心增恟敢弗勵

守成不忘詠無兢

恭瞻太祖皇帝甲冑作歌

清高宗

赫圖阿拉始創基我朝開基之始居長白山北之俄朵里城國號滿洲越數世至肇祖居赫圖阿拉在俄朵里城西一千五百餘里傳興祖景祖顯祖至我太祖天表

玉立舉止非常英勇益世騎射軼倫先是望氣者言滿洲其時甫有十三甲一人披堅躬執將有聖人出統一諸國而履帝位國人咸稱爲聰睿貝勒

銳遂至衆歸漸成業尼堪外蘭爲禍始剪其翼斬諾密納

太祖初以尼堪外蘭構衆於明害我二祖乃奮志復仇時僅有遺甲

自薩爾濟城來會後諾密納背盟不至轉通使尼堪外蘭去遂克圖倫城先是太祖期諾密納及其弟

耶喀達斬之是時尼堪外蘭奔撫順我軍躡其後明邊吏不納以兵逐之逃於鄂勒

夜半擊

憲出對敵無不衷斯敵望怯

時滿洲國之蘇克素護河渾河諸部互相攻戰爭奪無己章嘉城諸族人忌太祖英武同謀加害以渾河部兆嘉城長理岱爲

導乘夜陰晦至上所居欲拔柵入太祖聞犬驚吠持刀叱之因以刀柄擊憲樞復奮足撼

圍攻克之獲理岱天勇深沈復大度執讐屢縱弗卽殺棟鄂哈達頻搆難遂議攻之制先發

去太祖雄謀大畧用兵如神而又警悟軼倫臨機應變嘗夜獲賊伴詢曰爾非盜牛來耶縱之

時以棟鄂部欲乘機侵我適其部內亂遂率兵往征克之哈達葉赫輝發等九部合兵三萬

率百人挑戰斬九人敵稍却葉赫貝勒布齊馬蹄爲我兵刺殺哈達貝勒蒙格布祿等並膽

破九部三萬之衆自此登城受傷徐下城緬想其績猶存匣

太祖攻棟鄂還復攻翁鄂洛薄其城乘屋顛射賊城中鄂爾果

尼酒射太祖傷首貫胄太祖穿鎗子甲護項太祖拔之雖流血至足猶塵戰不已敵復有洛科者
烟燭中突發一矢射太祖射鎗子甲護項太祖拔之雖流血至足猶塵戰不已敵復有洛科者
扶掖太祖恐為窺亟論止之時項下血湧如注乃以一手捫創一手拄弓而下二人掖而行
忽迷仆旋稍甦如者是者數四甦輒飲水及創愈復率兵攻克翁鄂洛城獲鄂爾果尼及洛科
太祖釋弗誅曰彼為其主乃射我今為我用不又為我射敵耶乃皆授為牛余
衆咸頌太祖大度每讀實錄至此緬惟開創艱難輒為悵然流涕瞿然悚惕也 誅逆撫順來
者多定居興京遠近讐薩爾濟戰大勳成發縱指使仍親涉來孫展函緬勞績太室一脉承
禘袷悵然而涕夔然懼恆慮守成失前法

昭陵石馬歌

清高宗

陵園石馬擬翁仲古卽有之知以共昭陵石馬獨超羣大白小白奏殊勳一乘杏山戰敗明

兵十三萬

昭陵前石馬一名大白一名小白太祖御以摧堅破陣凡經百戰無弗安吉而最
蒙者杏山大凌河之戰杏山為寧遠屏衛明人常駐兵其間明總督洪承疇集援

兵十三萬於是山時容郡王多爾袞肅親王豪格奏言敵兵其衆太宗聞之親統六師往討
晝夜疾馳六日抵軍營環山列陣擊敗敵兵追至塔山奪其積粟濬濠斷杏山松山路又度

明丘必遁分遣諸王大臣設伏截擊凡十餘處預授機宜至期果悉如容算掩擊窮追殲
明兵下萬三千餘赴海死者無算神謀制勝指揮間破明兵十三萬如摧枯拉朽亦是馬馳

駟之 力也 再乘凌河大壽 祖降我軍 月明兵四萬 自錦州來 援太宗與諸貝勒 率騎兵進擊敵 却

走會大風敵乘風縱火勢甚熾將逼我陣天忽雨反風遂大破之生擒其餘破敵斫陣那可

數莫不安吉 供御揚我武 遂成鴻業 建大清繩先裕 後天錫 啟宋至王孫 金待詔 圖唐六馬

皆曲肖卓犖 名聰多受傷 秦王英勇功誠劭 金待詔趙霖寫唐太宗昭陵六馬歌即疊題趙霖六馬舊

韻躬親創業 詎免此若我 文皇較贏彼 曾弗小 躬就巨功 二馬亦匪箭 癡委 趙霖圖中有邱

像其餘馬多有帶箭而馳者唐太宗亦云雄矣中原底定 無餘事 傲惟愛賜安 歸地化為雙龍 衛神道 豈如穆駿名

空寄穆駿以遊 斯以戰 千秋公論傳 文翰獨我觸 目有餘思 當日英風 嗟未見

冬獵篇

范承謨 觀公

朔氣森冽 天地愁 層巒徹夜 電光流 捲書拭劍 水盈溝 呵手敲冰 飲紫駟 曉霜光裏 寒凝目

四野垂天星 陸續初日 沈沈上大荒 高旗歷歷 翻山 山黃雲慘 壓鼓隆隆 健兒舒臂 鳴鳴弳弓

弦迸風高天色酸馬蹄蹀地響聲乾癡鷹忽怒犬跳躑飛走羽毛無一完獸急人忙各顛倒
血肉淋漓汚枯草倉皇虎豹出林彎按轡拈弓閒更好蒸徒峻嶒後且前鋒鏑參差明復鮮
古人蒐苗獮狩皆寓武一生一殺寧徒然孔子鈞弋亦獵較湯雖一面之網仁心豈能全

行山紀懷

范承謨 觀公

庚戌夏五余以行田按泰順吏民咸謂古無有使節至此者因覽夏生所獻詩遂用

其韻

單車瘴嶺驅中夏千重炎荒度夕陽自是先公期後樂却緣聖主視如傷幃帷戴雨行泥隴
使節馳星破曉光每值道塗全梗塞忍看比屋半流亡芻菱幸不煩民力糗糒何妨亦自將
我黍漫言嘗旨否吾民久未厭粃糠雁鴻欲集聲先咽鳩鵲相逢色已愴草澤三空寧類漢
桑林七事却同商瘡仍無肉何由補繭已窮絲不及忙滿地榛蕪成草昧稽天崩潰竟洪荒

老翁行役悲溝瘠寡婦誅求哭路旁聞道使君生化虎更傳令史共爲狼埋輪已誓從都候
叱馭誰能畏太行飢溺只今寧幹止澄清於此慰懷望敢云善政能匡植豈爲虛名起激揚
但使鞠躬臣貌瘦寸心聊以報吾皇

擣衣篇

范承斌 允公

夜靜誰家砧杵聲秋風吹送滿江城樓頭戍鼓行人斷露下梧桐月色輕月色籠烟如織素
長年離別看庭樹夢中夜夜到漁陽誰憐未識門前路門前有路無人歸聞道明年又合圍
悄悄幽魂傳素手斑斑紅淚寄征衣衣上痕君莫澣滴淚人日日遠

夜甚寒曉復大風因憶家學士出獵未歸賦以誌懷

朔風入戶覺衣單何處追飛興未闌弱弟但知誇落鵲高年注意在彈冠鷹翻枯草寒生眼
馬驟荒陂低抱鞍獵罷休教吟苦瘦且須沽酒一加餐

給諫汪北溟表兄以對影成三人命題戲爲放歌

范承烈 彦公

高人疾俗如疾仇有時愛月如愛酒披衣顧影天宇空月色一庭酒一斗揮盃勸影影依依
舉觴酌月月在手我飲一盃影一盃峻嶒月色盃中走天上人間我與君眼前之人吾何有
勸君痛把李白尊休教笑破淵明口

秋杪過東臬百草就萎盆菊獨茂欣賞永日爲賦短篇

東臬真勝地晚色益清幽野水閒尋壑寒雲溼不流黃花香小徑老樹帶高秋對此歡無極
因成盡日留

聘之學士家藏戴嘉會先生所繪手卷并題舊作詩數首畫法高古字體天矯洵希世
之珍也因附錄於此

北方有潛客雅好蕙蘭姿培根復誅蔓激清灌溉之吐芳出羣卉豈曰國香衰顧茲桂與茝

將隨九畹滋枝葉峻以茂採摘冀及時奉爲君子佩連茹以爲期

其二

野雀失雲侶日暮但孤飛隨風無定羽棲息竟何依彩鸞振六翮高語瓊樹枝瓊枝洵茂密
忽焉忘所歸歸飛托深陰此諒不衰持此固綢繆綢繆安可遲

其三

種桑採桑葉採葉養蠶子風雨忽縱橫葉盡蠶欲死抱蠶對蠶泣淚落桑園裏詎緣錦繡心
湮沒遽爾爾所傷萬人寒不識從此始不織不修道則否所以聖賢書殷勤誨不已

一語不能行萬卷徒糠粃嘉魚躍澄淵好鳥鳴高枝德柔鮮克舉安宅曠棄之物微知有託
人胡不如斯十室有忠信豈盡不可移譬彼有嘉木丹雘不復施委置任腐蠹深負茲淑姿

其四

置身在宇宙擔當復誰諉人心不死天地因之位廣履覆萬人

綺筵備所賴大匠能

經營使不墜草甲出勾萌芟刈從此始荆棘忽成林長鑣不可治爾我固陋姿仔肩誠不易
日月不停徂反躬多疵累先師已有言四十不足畏

五榆歌

乾隆壬子

玉

保闕風

五榆歌者爲盛京兵部堂前五榆作也夫榆本星精生得其地旣茂且壽百餘年來爲所
陰翳者多矣因撫之作是歌

我聞白榆之精在天上歷歷星垣不可望何年移植瀋水邊五樹聯珠森怪狀司馬堂前日
正長槎斲老幹環兵仗兩株標立勢不下兩株聯帶相頡頏稍東一株最奇絕蒼龍掉尾低
相向枝葉輪囷晝易冥長風薦地翻銀浪是時小民祈雨虔爾榆胡不爲民請命排岷閩噴
雲吐霧施神功萬里塵氛一滌蕩吁嗟乎古來不少棟梁材生非其地空惆悵君不見癭瘤

礪何無人收千秋鬱鬱沉青嶂方今庶物荷栽培梗楠杞梓生機暢爾樹托根在幽岐三陵
雨露蒙嘉貺

盛京兵部五榆歌

應闓風六弟屬壬子閏四月脫稿

鐵保治亭

我朝武功定天下堂堂司馬依神京移來天上白榆樹無乃王氣垂元精干雲翳日數以五
拂鬱堂解超簷楹出入郎曹藉佳陰捉席選地神爲清花間吏散日亭午婆娑天際迷銅鉦
乳鳩飛搶不到地野鵲高據巢爲城倚天拔地百餘載不遇哲匠誰知名吾弟遠官蔽嘉樹
盤桓鎮日生遙情作以歌詩播詞館品題褒獎如旗旌郵筒千里索我作限以丈尺分縱橫
咄哉宦途亦奇絕此樹與我良有盟一朝宗伯攝司馬時余攝兵部敷政儼與君分榮官殊京外
職則一如樹連理根相縈爲寫長歌謝榆樹天涯同事弟隨兄

梅菴兄弟手書五榆歌舊懸兵部大堂庚子佚失今五樹婆娑猶昔原蹟僅有拓影流

傳學士尙賢和作甚夥

乙亥二月出使關東和青士通州道上見贈原韻

崇實 樸山

捲起征塵十丈紅節旌到處引春風心雄欲請天家劍力弱難廻塞上弓參佐才華空驥北
朝廷根本重遼東此行儻遂澄清志願共歸來飲碧筒

乙亥五月奉命出師剿辦邊外讎各路將士

前人

親承天命下神京化賊爲民視此行

本年二月三日陞辭時蒙兩宮召對訓以奉省賊盜之多皆是官驅民爲賊汝此番前去能化賊爲民方不負

委任聖世恩深原止殺疆臣計絀始言兵地當絕險謀宜慎人到和衷事必成寄語諸君須努

力好將奇績答昇平

贈特仁庵將軍

前人

閒將韻事寫平生

有自述感懷四言五十韻

身退名揚功亦成萬里重洋宣戰績

曾出師台灣

十年邊徼播威

聲久任黑龍江將軍

遐齡久享林泉福大隱渾忘簪紱榮我幸東來陪杖履羨君心迹本雙清

邊徼騰歡海寓清萬年有道順輿情不因見利方除害總為安民始用兵螞蟻河干農事定

鳳凰門外武功成乘輅恰值天心轉

實以星使留辦軍務

慚愧鄰邦起頌聲

適朝鮮使臣過境盛稱威惠遠敷

掃蕩通溝多年之患詩以誌之

邊患包藏數十年鄧林久已化雲煙

邊外自巨匪竊拒官兵不敢出邊況渾江以東久為木匪所有

明知說虎顏都變

有談及通

溝無不望而生畏

豈料探驪志獨專

於到奉後即注意彼地

隨意雌黃憑衆口

現有論及因收水稅恐傷禁山風水

盟懷精白懍

予肩天心轉處民情順畢竟功成亦偶然

至好親友如見此詩則知我之懷抱矣

自丙辰至丙子星紀一週而實又以盛京將軍新兼奉天總制元日仍用丙寅元旦作

原韻書此感懷

忽忽五載別西川今日遼東又度年正愧衰庸軍漸老何期恩遇任尤專邊疆底定民無擾

邊外肅清
馬賊自少

宮殿巍寔境是仙

大政殿乃我朝開基之一
所每逢大典咸集於此

一夜春聲真不斷
鬧中偏悟耳根禪

錦里草 自序

昇 寅 賓 旭

少小離家老大回
昔人感之突然亦有樂焉者
親朋故舊睽隔半生
一旦把袂臨風訪昔
日釣遊之所或歌或罵
有不能自己者乎
矧余以諸生潦倒遠寄京華
至是始奉命任陪
都部務與親故盤桓至十年之久
聚散離合發爲吟咏之曰錦里草
叙私情卽以紀君恩
也若以錦衣歸里爲親戚交遊光寵抑非命詩之本意已

丙子六月授盛京禮部侍郎出山海關紀恩

感愧君恩不次加誓將清白報黃麻
人誇豎子乘高蓋自笑乞兒坐小車

余由少詹事至侍郎
凡三遷計五十

三日何殊鍾會
關秦州之言耶

三錫金章歸有詔兩行彤矢送無譁
當年土壁留題處會否今朝護絳紗

數年秘閣擁青綾
此日榮歸得未曾
信宿郵亭皆故舊
送迎官吏半親朋
音操土語情偏愜

味到尊羹飯漸增去是諸生歸駟馬題橋司馬漫誇矜

恕字吟

前人

名言箴在昔恕字行終身已所不欲者亦勿施於人試觀里巷間諍語必反唇狠戾交逞勇
所傷兩必均善觸有羝羊苦鬥有奔鶉况人靈萬物誰讓我獨伸泰山收一簣萬古享明禋
河海不擇流觀者嘆迷津人生能自克斯結聖賢鄰

過姊家

前人

我年方十二隨母依舅氏曾記是年秋結縞歸伯姊姊家住興京青山高萬雉綠樹繞庭除
空翠挹牀几一別四十年東西分轍軌昨歲沐君恩腰金歸故里得間謁天親不惜路迤邐
柴扉碧水環山色如昔美阿姊聞弟來烹豚闔戶喜相見不相識白髮垂兩耳若非今日逢
手足路人矣握手淚交揮此會有所使對語復相悲遺事感考妣話到我生前拈毫命兒紀

姊弟鬢皆蒼始信光陰駛努力相加餐後會從茲始驅馬出柴門山光凝碧紫

與子姪輩論詩

前人

美景在四時佳句處處有造物巧安排借吐詩人口一語寄諸郎醞釀宜深厚運之以性靈

可以傳不朽

甲子二月初九日抵瀋

寶 均 東山

萍蹤南北幾句留轉眼光陰四十秋宦迹誰知更無定雄關東海記重遊

余少年侍先勤直公會歷游十二省惟游瀋時年最少同治甲子余官陪都少司農至此相隔已四十年矣所見山水城郭依稀前日事良可慨也因并誌之

夏五月奉命攝內廷事恭查內藏書籍見文溯閣有先公恭進仁宗睿皇帝東巡賀表

一册跪讀廻環恭紀詩一章

前人

玉堂書記窺天上和在清秘充香案吏三載得窺文朔重開認秘藏繼世更慙膺簡命先公曾任

陪京禮刑二部侍郎均又蒙恩
充戶部侍郎相去四十年矣

陳書今喜見

先公賀表奉命陳設殿內跪讀幾千餘言

芸編未減龍賓錦

帙猶存御案香堪愧詞林頻代續

入祺姪於丙辰年亦入詞翰升春坊

小臣戀闕每西望

夜宿軍署

前人

森森魚鱗肅公衙列戟危甍等莫邪鋪地雪霜風正烈滿天星斗月初斜守門武士威如虎
值夜軍官集似鴉寒析聲稀邊塞靖一鎧獨坐學趺跏

遠行歌

前人

丈夫壯志事遠行人生誰免別離情兄弟親友走相送車聲粼粼馬蹄輕贈言臨別一携手
萬里蕭蕭班馬鳴早行惟愛孤峯月晚宿每趁斜陽明關山迢遞感歲月柳來雪去皆詩情
誰識倚閭倦望眼鷓鴣啼處鄉心驚何如歸去事躬耕門前有柳聽春鶯一門團聚話豆棚
四時有樂田家真日對青山與流水不知輕塵十丈污冠纓

春柳四首和劉仙樵作時主講濟陽書院

王樹滋 曉坪

省識春歸暗吐芽爭先不肯讓梅花乍融殘雪千條嫩偏受東風一面斜村店雨晴春繫馬
池塘烟暝亂飛鴉靈和殿裏當年樹移入柴桑處士家

帶雨含烟色漸勻幾株濯濯見丰神一聲羌笛歌金縷十里郵亭送畫輪彈沐久逢黃甲客
飛花慣惹白頭人春明門外桑乾水何日攀條再問津

漏洩千條復萬條不栽灞岸也魂消離杯悵觸經三月詩夢纏綿到六橋向我輕狂殊有致
逢人迎送太無聊紅塵遠別東華路那許因風更折腰

聽瀉黃鸝報好音移根無事再沈吟一門桃李邀青眼幾樹桑榆趁綠陰舊夢怕繁歌舞地
新愁難縮別離心橫陳大道誰憐惜細撫韶華感不禁

蘇子卿

前 人

西風衰草臥羣羊廿載孤臣困異鄉
自分餘生終朔漠不堪好友別河梁
一函雁帛三秋淚
萬里龍沙兩鬢霜仗節歸朝仍抱恨
未能使命復先皇

蔡文姬

前人

悲笳聲裏唱刀環永別胭脂塞外山
一客存孤成義舉十年忍辱得生還
父書未補才空老
夫鏡重圓鬢已斑青塚明妃應羨汝
竟能身入玉門關

張睢陽

前人

虜氛高壓陣雲寒想障全淮半壁安
一食艱辛人肉少四隣歌舞救兵難
軍前馬革心猶壯
刀上蛾眉血未乾將士南雷吏姚許
可憐無力挽狂瀾

賀季真

前人

乘船騎馬兩模糊井底酣眠醉未蘇
一世性情耽麴蘖八仙名姓領蓬壺
鏡湖直乞君恩重

蓋榜紛呶士氣粗歸隱天台好巖壑可曾採藥入山無

韓蘄王

前人

張岳同揮挽日戈支撐南渡宋山河鑑書姓字中興重桴鼓功勳內助多半壁偷安戎馬息
一鞭投老蹇驢馱也應怕見西湖水空照英雄兩髻皤

屈原

前人

西風憔悴獨行吟寫作牢騷激楚音一掬寒波遷客淚九秋香草美人心乾坤莽莽奇才妬
烟水茫茫怨魄沈贏得龍舟競簫鼓江干弔慰到如今

題蘭

繆公恩 蘭泉

宛爾幽蘭託彼空山惟有素心耐此歲寒

蕭然而芳娟然而秀伊古于今誰與同臭

運筆無心別有生氣不拘不脫自具真意

幽貞勁秀秉氣在天寄之湘管率其自然

披風四五葉浥露兩三花誰解孤芳賞空山自歲華

幽蘭在空谷無人而自芳君子乃佩之清風相頡頏

東風桃李枝敷榮當豔陽何如空谷花乃爲王者香

春烘色不妖雨洗香仍遠級佩示終身聊以卒歲晚

畚友人問寫蘭

前人

寫蘭無他奇佳處在筆致如生沾滯心便使精神累筆致夫何如胸中具靈氣筆急如風行
筆緩如絲繫剛則插刀劍柔則效嫵媚苞葉相逢迎花幹辨同異蕭蕭無俗情勃勃有生意
心手互呼應興趣相連締染翰二十年未能臻善地壯夫愧雕蟲况茲尤末技何勞致縑素

津津許能事

寫蘭戲題

前人

瀋水繆蘭皋知者殊不少少年弄筆墨筋骨今垂老寫蘭蘭不工作詩詩未好乃有嗜痴人
楮素紛來擾擲筆手擎杯掀髯自絕倒

丙申四月邀李薌垣方伯馬襄伯前輩江海帆觀察薛壽憲太史游慈恩寺塔

姚協贊 馨圃

我從東方來曾經汴梁路一上瓣香樓登高覽雲樹鐵柱數丈餘不知何年鑄一水接長天
落霞映孤鶩到此困簿書快遊徒心注偶坐悶無聊明道坐如塑孟夏日初長良朋期會晤
言尋城之南驅車盍暫駐臥聽雨聲多一夜流甘澍詰朝幸開晴天爲撥雲霧勝地有良緣
危梯肯靳步但許江淹才不作凌雲賦

江海帆辭以游過
獨未偕同上塔

更上又一層退志已生怖烈風休

無時始信少陵句

上二層已覺風冷
衣單未能畢登

雁塢豔題名居高人爭驚馬逢伯樂知曲喜周郎顧豈

知高本危况有多風懼觸我知止心因境生妙悟為憶唐高宗東宮仲孺慕欲借象教力永

使慈雲護陟屺念靡依望雲原不誤奈何內寵移愛憚分好惡敬宗工逢迎遂良遭譴怒日

月竟當空國勢危朝露寶塢自巍然何以延寶祚天子盡孝思惟在張治具四夷來享王萬

民盡趨附豈效給獨園但詔黃金布在廷勵公忠枉直嚴舉錯二百尺雖高何如金甌固遙

遙千餘年徒賸連雲互

酒色財氣本是老生常談每靜思之自古大賢名儒每戒之甚力而英雄豪傑因此殞

其生敗其名者不可以縷數頗為悚然特詠四詩以厲戒謹之意並為兒輩作則使

之知警云爾

前為人

開樽本可細論文有酒學仙頗足欣慎爾威儀常抑抑敢教來止竟薰薰偶思寄興光邀月

莫對當歌響入雲三爵禮成朋饗治清心庶可事天君

書生多半誤情癡性定方能守不移上蔡有爲期在斷伊川止欲貴能思慎將歧路亡羊境
悟徹橫陳嚼蠟時全受全歸真孝子嚴防意馬妄驅馳

誰將萬貫詔腰纏淡泊堪明立志虔儉用自能衣食給多藏恐損子孫賢散財義想追焚券
求富心休慕執鞭有力濟人誠樂事窮民無告免顛連

戒嗔何待悟禪宗忿到思難忿莫從自古名賢稱不校曾聞大德貴能容和神願想薰逢夏
煦物常教愛在冬一怒安民真善怒伐崇遏莒耀臨衝

光緒辛巳旋里卽事

前人

不分南北與西東一路驅馳似轉蓬九十風光容易過負來大半在車中
共慮風濤海上來雄關控制要雄才長城鎖鑰咽喉地出入於今十四回

拜別萱堂日已深匆匆莫慰倚閭心友人欣遇多多善傳語平安報好音

路遇多文閣中翰下車談數語求伊

口傳平安之信到家以慰慈念而已

何勞鹽鐵續成書藏富於民用自舒大府關懷同此意不容竭澤更侵漁

奉省各物較前頗昂貴且素鮮蓋織最宜培養元氣乃猶有以增稅之說進者余婉卻之因見岐子惠制軍談及此事與余意同不然為蒼生慶幸也

一首中一字至十字遞加成詩樂天雖有此體未有自一字二字以次分章遞加者毛

詩有少至一字多至七八字等句因戲創為分章遞加章四句各係以題

吏

曾培祺 與九

噫嘻陋欺

民

前人

賦重年飢欲逃難飛

兵

前人

王者師民膏脂民膏脂主將誰

隸

前人

不羽而鷹不毛而狗縱其所欲疾飛善走

冬

前人

上則天氣騰下則地氣降中有億萬家苦寒哭窮巷

秋

前人

樂莫樂於有歲苦莫苦此深耕三百六旬生計一年一度西成

夏

前人

清風明月不用錢疎簾高臥消酷熱寄語趨炎汗顏者無復營營苦鑽穴

春

前人

蒼蒼無不轉之泰運物物有不盡之生機携柑酒於黃鶯啼處勸耒耜於紅杏開時

李鑑堂制軍奉命巡閱長江水師過衛停宿晚來一酒煮秫粥食之蓋二十年前舊鄉

友也

前人

征輶小住說津津鄉味加餐勝八珍壯志未灰悲欲老舊交久別見如新將軍揖客非長袖
堂陞危言首近臣吳楚東南江上下蒼生翹首望斯人

七夕

前人

庚子入汴州忽忽衍三七夕年年賦小詩卽今尤慨惜惜夫久鬱鬱空注神仙籍俗子歡會
多仙緣週歲隔萬古恨茫茫一水情脈脈牧鞭詎斷流支機難填石烏鵲不成橋雲漢誰撐
舶義輪亦不情頃刻東方白秋初夜苦短甫會離又迫畫釵事果然當非始開闢天上私語
時應歎今非昔人事古又今奚必語刺刺

紀聞有感

前人

城郭人民忽戰場當前聞見感滄桑西巡旌旆銷兵氣北向河山拱帝鄉法槩半因捐粟冗
身閒翻爲校書忙治安上策儒生事未許空疏附拜颺

上尹筱泉中翰卽以代柬並以爲壽二首

前人

吉甫清風穆若何考槃高詠碩人歌遙看南極光輝入誰說中書美少多五馬官閒依几硯
雙魚音渺悵關河他年造膝公應笑撫頂兒童鬢已皤

誤墮風塵路幾千關東遼左仰前賢雕龍謬許江淹筆附驥難追祖逖鞭

同治戊辰隨先生暨宋子元先生

同上春官素蒙兩先生獎許而先生卽於是科獲特

最羨同堂子孫福尙遲兩紀卯君年會當重聽霓裳曲擬獻靈

光賦一篇

先生領已酉鄉薦不數年卽重宴鹿鳴

感舊吟

并序

尙賢雅真

癸未五月下旬偶過文文忠相國故宅是時僦居者爲契好榮子恆儀曹掃徑開軒縱談
半日觸目園林感增今昔因撰一聯以抒懷抱意有未盡復成七絕數章用識私臆聯云
賸水殘山看相業彫零尙有風清蔣徑老鴉禿樹嗟門庭冷落那堪日暮梁園明知措詞
謬妄貽笑方家然燕石自珍不覺其陋因并登之以俟鑒政

潘令風流重岳家當年選壻眼無花芳徽更有何人繼衛玠東宮一例誇

相國爲同鄉潘公壻潘素封於財而無子女許相公時故寒士後顯貴人多贊潘能擇壻
聘之洗馬亦爲同鄉蘭太守壻選東牀者咸稱之

月河寺外草青青此地當年落大星怪道神歸附箕尾由來傳說秉精靈

相國以監生鄉試先是月河寺僧圓榮夢一星大如斗落寺中覺而異之遂偵於門而公
適至卽留而待爲上客相國顯後亦厚施香資焉

耿耿孤忠鑒九重時人都仰歲寒松獨憐未與平俄事又展全疆萬里封

相國在總理衙門外夷咸畏服歿後不數年卽有伊犁事無厭要求臣民咸憤嗣雖約成而所償特鉅人咸追思文忠公云

特地防邊薦異材將軍天上忽飛來招降未報紅旗捷豺虎縱橫鴻雁哀

同治四年關東馬賊猖獗官不能制其被蹂躪者指不勝屈如何如何

援兵火速下關東天幸跳梁電掃空未及因時除弊政徒憐一戰告成功

同治五年冬以東事孔亟特命相國爲經略率兵數千往援比到省而獄已刳矣嗣遣隊四出賊甫就平竟召公還而積弊如故人多惜之

曾諫宮車幸木蘭老臣獨秉寸心丹臨危幾點先皇淚遺疏猶塵時事難

聞木蘭之幸相國特疏籲留嗣爲近侍所撓遂定議巡幸公臨歿語不及私遺疏猶以洋

務爲慮

春風唬徹子規魂夢到城南相國村何日乞歸向田里舊鄰重結五家屯

相國世居奉天城南五家屯與余村相去僅五里許相公已歸道山悵望梓鄉不堪回首
田園荒蕪莫賦歸來亦足傷矣

聘之洗馬九日邀飲

前人

半畝園林帶曉霜菊花欣對故人觴閒情酒債兼詩債遠夢遼陽又瀋陽日月已成來往客
雲煙都入別離腸登高往事何須記佳節年年在醉鄉

贈新泉世講

并序

前人

蘭新泉世講同鄉汝平太守孫其尊人海秋武部與余爲金蘭交余通籍後以資斧乏擬
隻身來京汝翁先生及夫人都以獨客非久計且以余嗣續爲念敦命攜眷行復謀助囊

藁余以長者意不敢辭遂載室焉是歲丁丑八月也迄今轉盼十年幸膝下依依者已四
子二女一室嘻嘻悉出汝翁先生及夫人賜今夏新泉來都相見甚歡藉悉其祖父母起
居耄耄精神遠過古昔余既喜庇廕之方長又愧銜結之無日寸心耿耿蚤夜徬徨惟以
遭際時艱轉移之術於汝翁期許之意甚相左也茲得五言三十韻以識私臆新泉夙稱
博愛必有以見教幸甚

甲申八月朔燈下識

新泉故人子見我呼前輩論交重三世闊別經十載昔別君未冠牽袂依依態乃翁方聯轡
征塵逐馬隊離緒亦何苦游客心爲碎常感淮陰飯未解吳鉤佩家貧戀升斗器小非鼎鼎
長安居不易寒暑幾更代自憐齒加長兒女忽成對嗷嗷日待哺握搗屢稱貸枵腹愧薄祿
指困蒙厚賚學疎材夙拙遇窮運乃晦匡時既乏策歸念胡忍背冥鴻杳無迹亢龍終有悔
達者見機早我思豈昧昧迷途漸可轉急流期勇退久謝鸞鶴侶羞置鷄鶩喙仕隱原一轍

出處恆自愛徑荒松菊沒田蕪草萊穢敝廬故鄉好野叟舊游在秋風江東掾雪夜山陰戴
飄然雲出岫去來絕望礙流光駒過隙旅夢雁歸塞歲月催白髮時乎慨不再官高易速謗
親老誰負耒未謀甘旨奉且喜生存速桔槔園數畝晨夕聊灌溉所願學農圃滋味長嚼菜
庭闈承色笑妻孥混話諄永叙天倫樂悠哉卒大塊

崑崙峒卽事

尚賢 雅真

古峪烽煙壓崑崙承平甯忘戰時功人心渤海思襲遂朝議長城借寇公門戶九邊遮塞外
屏藩三輔扼關中微芹野老何由獻爭得黃金養士同

乙未二月七日賊以大股猛撲崑崙峒遼軍鎮東四營相繼潰不去者獨高副將賊疑有
伏引去其時遼藩岌岌人心震動使賊長驅而北時事有不可言者事定練長徐珍爲余
言之相對大慟

東唐軍門

前代人

關中轉粟餉東征少府金錢竭水衡邊幣未除丞相議夜圍還合亞夫營健兒有勇思嘗敵
老將無功恥罷兵一戰安危天下計南風不競召陵盟

北邊卽事

前代人

已盡山田八十圍更驅困獸走何歸中原逐鹿高材得巨網張漁大澤稀聖世豈容無土曠
長官爭忍剝民肥君看滿野哀鴻集我亦投林倦鳥飛

是役也自春阻夏原奏之八十圍垂已放盡止得地四千方有奇計未放之粟尙有三千
方浮收之粟銀尙二十餘萬兩現在民人麋聚無業可安是救其生反速其死當事君子

其忍膜置耶

丁酉六月廿日

奉酬沅帥疏荐未果

前代人

單車報國令公賢白首雄心出暮年海上軍聲潮十萬座中人望客三千帝秦久薄辛垣衍
存趙猶知魯仲連休道荐書封未上愛才說項至今憐

公與賢論既洽卽會軍督擬交章荐畀以鄉團任雖有臧倉之阻而公之高誼至今耿耿

丁酉六月廿日補志

沉翁軍門卒於軍爲詩輓之

前人

妖星未落將星沈不測風雲此恨深華表鶴歸人萬古燕臺駿冷價千金男兒寂寞封侯事
歲月銷磨報國心故劍摩挲長鋏在寥寥一飯感淮陰

前人

麟臺功業佐中興百戰餘生恨事增麥秀銅駝悲屬國松楸石馬泣昭陵七星劍冷鋒三尺
五丈秋寒雨一燈日月在天臣在地狂瀾隻手挽何能

三

前人

中原戰伐歷春秋時勢何堪豎子謀黃髮老成星落落蒼天終古日悠悠臨淮色已旌旗變
宗澤心難尺寸酬東郡未收先帝業淒涼狐首痛山邱

四

前人

曾看十萬劍新磨不斬樓蘭不返戈顧我窮途成阮籍知公建飯似廉頗長星天上悲無色
薤露軍前痛有歌鞞鼓可憐思將帥築壇朝議近如何

五

前人

飲馬長城斜日曛大星驚落九天雲蒼生霖雨還期我青眼風塵獨有君墮淚碑思羊叔子
籌邊樓黯李將軍毛錐此後全無用諫草翻同筆硯焚

六

前人

長星昨夜落軍前箕尾高騎路九天辜負胸中兵十萬空餘門下客三千過河有恨呼宗澤
蹈海無心乞魯連公自好龍真不愧逢人曾道項斯賢

七

前人

馳驅獨奮祖生鞭鈴閣聞雞夜不眠許國有心還馬草受成無命勒燕然風雲壯畧恢三輔
雨露殊恩逮九泉身後未忘天下事叅軍仗有幕中賢

八

前人

長星無曜夜沈沈萬古英雄此恨深射虎壇空飛將略聞雞夢冷祖生心
朮荅詎少投籠藥
冀土全揮養士金獨負知音房太尉悼亡空碎杜陵琴

九

前人

落日秋原五丈頭長星此夜火如流人心遺愛思羊叔天道無常問鄧攸南渡經綸還有相

北平軍旅未封侯茫茫大海翻波浪到底能填片石不

同毓韻松孝廉游西山昆明湖

鏌 珍 聘 九

昆明重見葺離宮春入湖山似畫中金碧樓臺輝落日煙波楊柳蘸東風聖慈合上宣仁頌
少帝非誇漢武功祇是小臣多過慮強鄰偪處主齡冲

同家兄隨侍慈親及諸姻眷遊昆明湖

布襪青鞋導板輿平湖十里曉風初山泉漱碧有聲畫田畝分青無字書兒女共諛天氣好
主賓相對世情疏金萱自祝身康健來歲田盤老眼舒

青龍橋題壁

湖山晴爽又逢秋攬勝行吟憶舊遊十載光陰消薄宦萬家煙樹入高樓倚天翠謁虛嵐合
帖地黃雲早稻收太息清泉清似此出山爭不肯回頭

題照

特普欽 忍辱

余自投筆從戎吟咏一事久矣不復拈弄茲緣小照裝成漫爲截句數首聊抒懷抱兼憶舊遊覺前此足跡所至流覽光景歷歷如在目前悠忽之間幾二十載今則一官羈絆欲再繼勝遊而不可得不禁追紀曩疇自述往事並以置小照之上以誌半生閱歷俾與此身相終始云爾

四十三年歲月侵未經見惡亦無聞兢兢好自勤修省莫更來時不似今

廩祿虛糜直到今愧無建白負初心買山久擬尋佳勝結個菴兒自在吟

十五年來學荷戈功名畢竟屬誰何關山銷盡輪蹄鐵用船山句南北東西浪折磨

歧路之中又有歧名場笑我太支離學書學劍終何補壯不如人老可知

十二月初七夜書事

王乃新 雪樵

賊隊蜂擁來

唐白

將軍色欣喜喜能以禮招

由金州供

受降省垣裏朝為授輕裘暮為設芳

醴

到省日遣官授逆首裘各一襲並設筵登福樓

候問何奔忙加謹官吏委只博賊衆歡不計岷庶死滿城洶洶中

安頓謂可恃驀地礮連珠作聲轟不已人馬復喧騰火勢旦天起

先由縣科縣獄縱火次及府監刑部獄

轉瞬

囹圄空囚徒滿街市列炬照路紅刀光如潑水一湧出南門順便質庫洗

水遠雙慶二當舖

齊唱凱

旋歌鞭稍前路指此時兵勇調雄雄勢難抵遊刃利如風護衛帥府止天明大殺戮賊遠二

十里橫陳痛無辜染地血痕紫非是賊變心初來原為此咄咄何逼人播弄傀儡似賊走雖

向南賊轉仍都鄙走馬謁軍門夜事謂可恥他族不解恩招徠願效技廣衆阻撓問當路疑

忌始束手云奈何引頸天兵俟

聞神機營兵不日出關

紀夢

前人

我未慣離家一別竟日久愴懷集百端魂夢鄉關走走入慈闈前再三問安否母曰兒歸來

恰好祝吾壽命婦治佳肴呼人買濁酒一家騰笑歡苦累竟何有荒鷄忽我驚乍醒殘燈右
月影橫半窗無言但搔首

刀

前人

正多用君處凜凜一條長入手無生氣驚人有冷光剛柔可舒卷恩怨蘊行藏仍共金環約
功成少殺傷

渡渾河

柏珍露巖

長河渡口人蹤亂破浪乘風趁旭旦欸乃一聲聽未終已見輕舟登彼岸

以詩代書擬呈施步堂雲程廩生秦鳳岡興茂才硯友

三載信音沈相懷覺倍深書慚無遠寄酒悵舊同斟君奮鵬程志我甘株守心何當重晤面
各自話胸襟

跋

濬邑舊無志乘有清光宣間經都金兩大令先後蒐輯始著專書丙辰春仲 寅生縣長延聘耆望開局重修前閣學雅真先生詰嗣貴筠貴琦亦得從事編述越歲告成庶足備文獻之徵矣余自國變歸田曾與閣學有修志之約人事牽率忽忽未果比承同人不棄徵考鄉邦故實雖多所商榷數典而忘負疚滋深今既幸此書之成且喜閣學有子能紹先志而又惜閣學之不及見也輒附數言以誌桑海人琴之感

民國六年丁巳夏四月前翰林院學士邑人錫鈞謹跋

